


60-1273
1200501272706

60
73

〇 複写



始




多紀元胤編

醫籍考

第六卷

東京國本出版社



60-1273



醫籍考卷五十五

東都丹波元胤紹翁編

方論 三十三

孫氏无仁集三丰張真人神速萬應方

國史經籍志四卷

存

明史方伎傳曰張三丰遼東懿州人各全一一名君寶三丰其號也以其不飾邊幅又號張邈邈頎而偉龜形鶴背大身圓目鬚髯如戟寒暑惟一衲一蓑所啖升斗輒盡或數日一食或數月不食晝經目不忘或處窮山或遊市井能一日十

里嬉笑諧謔，旁若無人。嘗遊武當諸巖，岳語人曰：「此山異日必大興，時五龍南巖紫霄，但燬於兵火。三年去荆榛，辟尾磔，與其徒創草廬居之。已而舍去，行遊四方。太祖故聞其名，洪武二十四年，遣使徧覓之，不遇。後居寶雞之金臺觀，一日自言當辭世，留頌而逝。縣人共棺殮之。及葬，聞棺內有聲，啓視則復活，乃游四川，見蜀獻王，復入武當，歷襄漢，不常厥處。」

劉氏淵然濟急仙方

醫藏目錄一卷

存

明史方伎傳曰：劉淵然，贛縣人，幼出家為祥符宮道士。後詣

粵都紫陽觀師趙原陽，傳其法，能呼召風雷。洪武二十六年，太祖聞其名，召之。既至，入對便殿，賜號高道，館朝天宮。永樂中，從駕至北京，仁宗嗣位，賜號冲虛至道元妙無為光範衍教莊靜普濟長春真人，給二品印，誥與正一人等。宣德初，進號大真人。七年，乞骸骨，命送南京朝天宮，御製水圖歌賜之。卒，年八十二。閏七日入斂，端坐若生。

徐氏杜真方書

未見

休寧縣志曰：徐道聰子杜真，駢脅犀頂，負殊相。後精大人科，著方書。

雷氏伯宗千金寶鑑

未見

聞書曰雷伯宗名勳以字行讀書明醫尤精於小兒科洪武間授醫學正科著有千金寶鑑

蔣氏用文治効方論

未見

陳錫蔣恭靖別傳曰蔣用文名武生以字行其先魏人世有宦業洪武初伯難者由元進士薦為史官以疾辭出為蘭陽縣丞徙居句之龍潭八都城用文早承家學尤邃於醫初入太醫院為御醫永樂八年陞院判日侍文華殿其醫主李明

之朱彥脩不執古方而究病所本自為方故所治恒十全王公貴人下逮氓隸有疾眾醫難愈者謁用文治即愈謂不可愈無復愈者其報不報未嘗計受知仁廟隨事獻規多所弘益上嘗論保和之要對曰在養正氣耳正氣完邪氣無自入焉又嘗問醫于卿效率緩何也對曰善治者必固本急之恐傷其本是以聖人戒欲速也永樂二十二年秋季壽七十有四上甚悼之遣中使護喪歸督治祠墳明年改元三月下詔特贈曰恭靖獻徵錄

陳繼蔣用文傳曰其為詩文有靜學齋集若干卷治効方論若干卷

陸氏昂蘭量金匱

未見

鄞縣志曰陸昂字季高始居會稽遷於鄞自幼習舉進士業
凡經史百家翰墨無不旁搜博覽性剛方與人寡合已而父
病遂棄其業攻岐黃書以醫自給周旋調護親獲春年聲名
大著叩者如市永樂初辟至京師預修蘭臺金匱元機素要
等書

元機素要

未見

劉氏均美拔萃類方

明志二十卷註曰一作四十卷

未見

錢塘縣志曰劉均美號閱耕齋讓產與母弟以閭右實京師
居善藥先丐者後市者邑人許昉客死美殯殮歸其喪解纆
楊士奇俱為歌詩稱之晚年術益精活人益多年九十卒所
著有拔萃類方四十卷劉氏慶源錄三卷

周氏禮醫學碎金

明志四卷

存

自序畧曰余幼習儒書長究醫業浪跡江湖間三四十年来

攷樞素繹絡群方未嘗怠遇有名醫輒往請益得其方書之善者則拜受抄錄惟恐有失迨茲暮年尚有欠焉此蓋由余之資鈍質愚故耳幸遇聖朝恩彌六合濡及蒿萊叨受良醫正領職以來戰戰兢兢欲圖補報將何能哉荷蒙賢王體天地生物之心為心法皇上好生之德為德嘗詢護衛遊撰聽明俊逸子弟委臣禮等教授軒岐諸家之書愚切有懼焉何患弟子初學非惟一時不能以造其微而尤恐有類盲已証人之患者是以忘其固陋每遇公暇輒於難經素問與夫歷代名醫書中搜索玄微撮其切要間亦竊附己意撰成歌括次第成帙以授諸生使其讀取數句以上則一藏府之理渙

然矣斯其易學而易精將見得之於心應之於手使方寸無疑俾人生有賴是亦小補云爾書成目之曰醫學研金諸生倘以予言不卷翫讀詳味又自得之使杆格之病無而微妙之理得則一旦豁然貫通矣豈不由投碎金之投爐煨煉溶化欲成其器一火而就乎但俟同志恕予白首狂簡改而正之斯其美矣於是乎書永樂十三年歲次乙未春二月上澣日迪功郎良醫所良醫正梅屋老人周禮自序

錢氏醫林會海 嘉興府志作醫林驗海

明志四十卷

未見

嘉興府志曰錢翰精醫有聲吳越嘗手輯醫林驗海一編凡四十卷

許氏為湖海奇方

八卷

存

序說曰夫醫通仙道推聖賢救苦之心藥驗神功體天地好生之德運陰陽而燭理資膏肓以盡年博物能名通機循道普濟大札大庇群生草木咸得其性鬼神無所遁情此醫教之所由設也至於望聞問切當求神聖工巧之奇暑濕風寒必別春夏秋冬之異地有東西南北之不同人有老少虛實

之各異六失者醫之大戒八要者世之良規氣有補瀉宜通味有炮燼炙煉若乃七傳者死邪侵五藏之難為間藏者生病在六府之易治汗吐下乃法之大要亢承制為理之至微味分五品有甘辛鹹酸苦之宜病驗六經在肝心脾肺腎之內能知病之所在則用藥如用兵討無不服不知病之所在則觸途而冥行動致顛隕故張長沙有冤魂塞於冥路死尸盈於曠野之誠可不懼乎宏幼慕真風長參醫業自愧材庸智淺聞寡見疎學道步入神之妙為醫欠洞視之明讀書無資世之才遁世之休糧之術欲得恬愉澹泊寂靜無為外絕器塵內修真性其志固能遂也於是歷醫數載勤苦勞心仰

守料規園敢忽急又念人居天地之中以飲食起居為養生之本具有飲食誤傷禁忌起居有犯災傷又或處居村落之中或在旅途之際或貧常而無力請醫或貴料而難為措置往往束手待斃者為於是搜採葛仙遺書名公詳論本草節要湯液餘膏有所効驗者不必分別經絡搜求陰陽人人皆可晚用用力少而効應多者列為八卷開卷一閱了然在目此為湖海之秘傳實乃濟生之捷徑字之曰湖海奇方不惟易於成功亦且不至差失更能遇有病者教益於人其陰德尤未可量也昔永樂二十年歲在壬寅七月二十四日己卯建安八十二翁許宏科手謹書

通元錄

未見

按右見于建安通志

胡氏深衛生易簡方

明志四卷

存

明志註曰永樂中深為禮部侍郎出使四方輯所得醫方進於朝一作十二卷

楊氏溥用藥真珠囊括

未見

太常卿兼翰林學士江陵楊公以姬孔之道正
之心而佐君上其所志者欲使天下之人皆躋壽域未嘗一
毫為己也餘暇為是編亦可見其所存然學醫者精之利其
用藥亦自有通矣怡菴文集

錢謙益曰楊溥字弘濟石首人建文二年進士除翰林編修
靖難後轉太子洗馬下詔獄宣德元年以大常卿兼學士直
內閣歷官至少保武英殿大學士正統十一年卒謚文定列
朝詩集

劉氏全備註解病機賦

一卷

存

葉氏伊賢極急遺方

一卷

存

汪賓序畧曰臨江通守永嘉尹賢葉侯近得醫家秘用加減
十三方繼得倉卒急救三十九方其濟人利物經驗之效固
非他方可比若人得之急無方脈之士亦可以對證用藥詳
審加減而疾亦無不瘥焉葉侯得而寶之嘗謂予曰諸家醫
書浩瀚卒難檢閱况值危急之時諸醫不及往往大橫可悼
每於聽政之餘編集諸方次第會成一帙總而名曰極急遺

方持鏡持以廣其傳俾予序以識之予謂度以科目致身以
 仁為立政凡有利國益民之事無所不用其誠今為此方一
 行而深病者得以療其病窮醫者得以濟其醫度幾倉卒無
 大橫之憂頃刻有迴生之喜其所以立仁政者在是所以永
 民之命者在是其所以體皇朝愛民之誠者亦在是矣其與
 蘇耽杏林之惠同揆也故披其實書諸篇端以識其用心如
 此云

趙氏李穀救急易方

國史經籍志八卷

通行本二卷

存

高宗本序略曰國朝永樂間太宗伯胡忠安公有衛生易簡
 方正統間又有趙叔父救急易方黃吉甫備急仙方衛生易
 簡方有官板又刊于四川刊于浙江備急仙方則刊于吳下
 河南大參孫公伯大又以救急備急二方總名之曰備急而
 刊于河南此皆仁人之心無非欲廣其傳使天下之人轉
 大闕而為仁壽之歸也

熊氏良佐新增救急易方

八卷

存

楊一清序略曰救急易方集於吳人趙叔文世之有力者屢

嘗翻刻其傳亦廣矣鎮江守博興熊公良佐取而閱之曰是能救人之急而簡易行者然猶病其不備悉合群書而附益之參以平日所聞見釐為八卷門分類集視舊本不啻倍之於是奇方奧訣前人所經驗者收拾殆盡矣既僦工鈔梓將屬合郡之里正耆老人給一冊以備旦夕不測之急而其里鄰族黨之有急者得博濟焉嗚呼茲非仁人之心哉

黃氏 吉甫 備急仙方

未見

許氏 敬 經驗

三卷

未見

嘉興府志曰許敬字孟寅世為威化鄉人祖文達父景芳皆以醫鳴於世其業有聲宣德間院使蔣主善薦入內院英宗患喉風更數醫弗效敬進絳雪噲之遂愈上喜甚賜以羊酒拜太醫院御醫賜勅獎諭年七十致仕有經驗三卷藏於家

蔣氏 達善 醫鏡

三十卷

未見

武進縣志曰蔣宗武祖達善以醫名吳越間所著有醫鏡三

十卷

丁氏毅蘭閣秘方

未見

江寧府志曰丁毅字德剛江浦人路逢殯者棺下流血毅熟視之曰此生人血也止舁者欲啓之喪家不之信毅隨至墓所強使啓棺乃孕婦也診之以針刺其胸而產一兒婦亦旋甦蓋兒手執母心氣悶身僵耳針貫兒掌兒驚痛悶拳始婉通邑稱神著有醫方集宜王丞集蘭閣秘方人爭傳之崇祀卿賢

按醫方集宜王丞集丁鳳所著也鍼下死胎始自李涪

玄治長孫皇后後醫家比比稱之詳見于先府志所載子醫曠固不足信焉

徐氏彭論效嗽條

二卷

未見

按右見于獻徵錄太醫院判徐公墓志

熊氏宗之山居便宜方

國史經籍志十六卷

存

備急海上方

國史經籍志二卷

未見

釋氏景隆慈濟方

醫藏目錄四卷

未見

慈惠方

一卷

存

自序曰生生之道源源無窮頌其大化疾自何來微乘其理
疾乃潛生乘之大者其患亦大醫藥申救寧可忽乎神農嘗

味軒岐難問異人迭出以宏其教業其教者各有專門非釋
子之事然佛聖人之教法以成道為本利人為用如法修行
釋子事也言利人者有內外焉內指明心外施方便內外雖
殊利人則一若稽佛聖人曠劫濟人之行隨機而應初無定
方且言其捨身命救人之一端亦非才智者所能計其萬一
況有萬德萬行乎伏讀六度等經觀佛行實痛感於民故於
禪誦之暇或遇利人之事亦不忍棄之所謂惻隱之心人皆
有之也然亦不能大有為但順其可為之所宜耳或聞湖
海緇素言及歷試海上方或醫書遺失之方必錄之積以成
帙不為私淑安可滯之於篋不得利於人乎故錄於板名慈

濟方臨川冷齋先生序之已傳于世厥後復有所聞亦積成帙凡得一善必欲與人共之稟性而然也今亦錄梓以廣其傳或有一方二方可以對機取用為亦一助而已矣是書從慈心而作因名慈惠云正統十三年龍集戊辰春正月朔越十又三日中吳釋空谷景隆序

董氏_宿試効神聖保命方

十卷

存

徐春甫曰董宿四明人正統間為太醫院使深察藥性博究醫書治療之方輒有奇効故輯奇効良方七十卷今行于世

奇効良方

七十卷

未見

方氏賢奇効良方

明志六十九卷

存

陳鑑序略曰太醫院使會稽董宿嘗集諸家之方類為一帙未及成書而此會院判吳興方賢惜其採輯未備猶不能無擇簡去取之未安者間與御醫楊文翰翻閱載籍重加訂正凡方論之輕重失宜先後不倫煩而未及刪要而未及採者

悉從校勘與夫投門而經驗者悉從收入條分縷析精思博
究彙萃成編為門六十有四為卷六十有九題曰奇效良方
爰錢諸梓上以裨乙夜之覽下以廣四方之傳其用心甚溥
其為力甚勤亦可嘉也已亦可尚也已吾知是書一出不惟
有以輩億萬於皇國抑且有以登群黎於壽域豈曰小補之
哉於不可易言之中而有至易者存吾於是書有取焉

邵氏以正秘傳經驗方

醫藏目錄一卷

存

明史方伎傳曰劉淵然徒有邵以正者雲南人早得法於淵

然淵然請老為之召為道錄司左元義正統中遷左正一領
京師道教事景泰時賜號悟玄養素凝神冲默闡微振法通
妙真人英宗復辟以正具疏辭詔以左正一間住未幾真人
張光吉薦其戒行詔復真人仍掌道教天順六年八月卒

丘氏濬群書抄方

國史經籍志一卷

未見

錢謙益曰丘濬字仲深瓊山人少孤七八歲能詩敏捷驚人
景泰五年進士改庶吉士歷官掌詹尚書弘治四年年七十
餘兼文淵閣大學士直內閣八年卒於官贈大傅謚文莊

何氏孟春續群書抄方

國史經籍志一卷

未見

自序曰春於群書中所得之方鈔而傳之以續瓊山丘先生之所鈔者也蜀唐慎微考諸方書及經史子傳佛道藏書藥方醫論而附于本草之末為類證披拾多矣瓊山所鈔則慎微前之所遺而後來人事之既驗者春之續鈔又瓊山所遺後人欲志慎微之為其不有取于斯乎瓊山鈔方自序感暇日記避難止小兒哭法而成其帙春於續鈔蓋亦有焉今歲兩淮三吳浙東西民饑道瑾相籍陶學士大道九阻可以德方可

施也往歲江西湖南民苦疫甚蘇學士聖啟子可以收效而人弗知也春茲是致思焉又其附書四方事頗涉異然冥應靈契氣通理感殆有未可誣者覽者定不迂之若類證後名家諸方則醫學多所刊行專門有成書在春何與哉弘治甲子歲十月二日燕泉居士餘冬序錄

錢謙益曰何孟春字子元郴州人弘治癸丑進士長沙翼其才擬入史館以父憂罷授兵部職方主事歷郎出補河南參政入為太僕卿以僉都御史巡撫雲南召為吏部右侍郎世廟卽位詔議尊親禮大臣相繼去位子元率部院臺諫力爭泣諫於左順門上疏上撫諭再四跪泣不起左遷南京工部右

侍即無何盡斥諸佛議者削籍錮不復用屏居著述有餘冬
叙錄行世穆廟初進贈禮部尚書賜諡文簡

李氏湯卿心印紺珠經

醫藏目錄二卷

存

朱摛序喜曰予家祖儒醫乃東平書字王太醫口傳心授之
徒也有李君湯卿者同其時焉蓋劉守真先生金朝人也初
傳得劉君榮甫再傳得劉君吉甫三傳得陽坡潘君東平王
公寔吉甫之門人也予父既襲祖術又復業於李君湯卿之
門而得傳心之書九篇其論本諸天地之造化其法源乎運

氣之陰陽推之可以應萬病之 可以為寸心之訣摛

幼而學儒長而學 之未明由儒而後始明術之未精由

儒而後始 道之未明由儒而後始行因披玩是書力久而

一旦豁然貫通焉頓知法無定體應變而施藥不執方合宜

而用蘊諸中形諸外雖未能如響之應聲鼓之應桴萬舉萬

全百發百中亦嘗活人於枕席之上多矣予恐其服膺久而

忘也輒自暇日錄之於書以俟知者故曰父母有疾病臥於

牀委之庸醫比之不慈不孝事親者不可以不知醫先覺之

言豈欺我哉

四庫全書提要曰心印紺珠經二卷明李湯卿撰湯卿不知

何許人是書為嘉靖丁未嘉興府知府趙瀛所校刊上卷曰
 原道統曰推運氣曰明形氣曰評脈法下卷曰察病機曰理
 傷寒曰演治法曰辨藥性曰十八劑融會諸家之說議論頗
 為純正惟以十八劑為主而欲以輕清暑火解甘淡緩寒調
 奪濕補平榮溼和溫數字護之未免失之拘泥

李氏榮二難寶鑑

未見

謝毓秀曰樵陽子李君嵐溪榮者余家之外祖也深明子醫
 理活人以萬計嘗述紺珠經一書又自著二難寶鑑一編回
 生建寶序

唐氏椿原病集

醫藏目錄四卷

五世孫時升六世孫
敏學等序作六卷

存

自引畧曰我始祖永卿教授自宋元以來世居邑治西南之
 齊禮坊下悉以學術精明重於當時迄今八世無替者何也
 博濟為心而不以利易操也汝等當體此兢兢無怠庶不負
 祖宗遺德且醫學之家書帙浩瀚辭理深奧吾恐爾輩學業
 不能遍知大理想集各家精要質以父祖垂訓問附已意
 斟酌病源編類成帙名曰原病集分為四類取四德為目益元
 者始也大也以類醫道源流切要之理亨者通也利者宜也

以類據證擬病鈐治之法貞者正而固也以類應病之方此所謂得其大通而利於正之意也以類分門以門鈐治以方鈐方亦分列湯散飲丸膏雜法等七類類各自始至終次第編鈐授兩程式使兩檢閱且如一病有兼幾證一方通治幾疾千變萬化豈能盡合於方法耶要在臨機應變隨時取中庶不有愧於斯道矣丹溪朱先生有云有論無方無以模倣有方無論無以識證誠斯言也爾於初學之時先讀儒書方將脈經本草素問難經傷寒等書循序相參熟讀兼之攷究茲集知陰陽逆順氣運變化藏府標本脈候虛實方者古人用藥方法務須潛心燈案勤於記誦研精覃思造其微

妙則洞然可曉不無凝滯於胸次一朝臨證診候原病施治不啻良將之決勝耳何易易哉又當持心忠厚愛物怨已則無得罪於前人况亦不失為良醫也此書之集予固知不能盡善而於爾輩之習學則亦不無萬一之助也爾更能窮究聖賢全書就其學識高明者而求正焉是亦予之所望云昔大明成化歲在甲午上元吉且恕齋書示諸子
嘉定縣志曰唐椿字尚齡參考諸家方論至老不倦起臥飲食未嘗去書所著原病集論七情六淫之傷飢飽勞逸之過為鈐法鈐方醫之指要無所不具今方術家多宗之

樓氏醫學綱目

明志四十卷

卷

二千百六十六

書集卷之六

存

自序曰醫之爲道具道博其義深其書浩濳其要不過陰陽五行而已蓋天以陰陽五行化生萬物具稟於人身者陰陽之氣以爲血氣表裏上下之體五行之氣以爲五藏六府之質由是人身具足而有生焉然陰陽錯綜五行迭運不能無厚薄多少之殊故稟陰陽五行之氣厚者血氣藏府壯而無病薄者血氣藏府怯而有病陽多者火多性急而形瘦陰多者濕多性緩而形肥陽少者氣虛表虛上虛而易於外感陰少者血虛裏虛下虛而易於內傷况乎人以易感易傷之軀

徇情縱慾不痛寒濕由是正損而邪客陰陽藏府愈虛愈實或寒或熱而百病出焉故診病者必先分別血氣表裏上下藏府之分野以知受病之所在次察所病虛實寒熱之邪以治之務在陰陽不偏傾藏府不勝負補瀉隨宜通其病所使之痊安而已然其道自軒岐而下仲景詳外感於表裏陰陽丹溪獨內傷於血氣虛實東垣扶護中氣河間推陳致新錢氏分明五藏戴人熟施三法凡歷代方書甚衆皆各有所長耳故後世用歷代之方治病或效或不效者由病名同治法異或中其長或不中其長故也姑舉一病言之設惡熱病熱病之名同也其治之之異四君治血實之熱也四物治血虛

之熱也白虎治氣質之熱也補中治氣虛之熱也麻黃治表熱也承氣治裏熱也四逆治假熱也柴胡治真熱也瀉青導赤瀉白滋腎瀉黃治五臟熱而各異也各能洞燭脈證而中其肯綮則皆效其或實用虛法虛用實法表用裏法裏用表法真用假法假用真法則死生反掌之間尚何責其效乎有不悟是理泛用古今之方每試疑似之病每致大橫者不少矣若是者虛竊濟生之名實所以害人之生亂醫之生孔子以鄉愿亂德為德之賊斯則醫之賊也暗損陰陽神明不佑可不謹哉英爰自髫年潛心斯道上自內經下至歷代聖賢書傳及諸家名方盡讀夜思癡食忘寢者三十餘載始悟

千變萬化之病態皆不出乎陰陽五行蓋血氣也表裏也上下也虛實也寒熱也皆一陰陽也五臟也六腑也十二經也五運六氣也皆一五行也辨集於魚輻輳於鼗醫之能事畢矣是不揣無陋掇拾經傳方書一以陰陽藏府分病析法而類聚之分病為門門各定陰陽藏府之部於其卷首也大綱著矣析法為標標各撮陰陽藏府之要於其條上而衆目彰矣病有同其門者立枝門以附之法有同其標者立細標以次之凡經有衍文錯簡脫簡者一以理考而釋正之傳失經旨衆論矛盾者各以經推而辨明之庶幾諸家之同異得失得以曲暢旁通精粗相因巨細畢舉同病異法如指諸掌名

之曰醫學綱目藏之中苟以便考求使夫臨病之際自然法
度有歸不致悞投湯劑而害生亂醫獲罪神明者矣雖於軒
岐心法之妙不敢同年而語然亦天地生物之心一助云耳
蕭山仙居岩樓英全善撰

紹興府志曰樓英蕭山人字全善精於醫居元度巖有仙巖
文集二卷又著氣運類註四卷醫學綱目四十卷

盧氏志增定醫學綱目

未見

按右見于古今醫統

呂氏尚清經驗良方

一卷

存

自序畧曰予雖不精於醫竊慕宣公之義每於讀書之暇檢
閱孫允賢李東垣楊宣槐君用諸公秘術之書有益於人身
者以類編集名曰經驗良方

黃氏濟之本草權度

醫藏目錄三卷

存

徐春甫曰黃孝子名濟字世仁餘姚人景泰以孝行聞業醫
術盡具妙詔旌其門

按謝玉有黃孝子傳王守仁有終慕記並附于是書卷末孝子蓋成化中人也徐氏曰景泰中以孝行聞失考

黃氏武醫學綱目

未見

按右見于山陰縣志

醫籍考卷五十五

醫籍考卷五十六

東都 丹波元胤紹翁 編

方論 三十四

程氏介松崖醫徑

四卷

未見

徐春甫曰程以新子槐塘人號松崖登成化甲辰科李曼榜進士為人愷悌性好醫志心存仁濟所著有松崖醫徑四卷程氏應旌醫徑句測

二卷

存

卷

二千七百七十四

華金卷片

自序曰松崖醫徑分有上下卷余所梓者特其上卷內所載之脈圖與圖內之方非醫徑全書也持感各有闕而嘲焉者謂世有異人必有異書以松崖先生之天材間出精靈博奧之學尊推于諸先達者間不容口相傳其生平著述滿溪滿車一切琅函秘笈悉於易嘗時假祝融力載歸白玉樓則此之醫徑一帙固先生之吉光片羽也常年胡不神奇其書得與若之神經遁甲等乃以徑之一字名編先生其猶有逢之心也夫余無以譬之今歲春壬正月雨却多暇得以繙及仲景之傷寒論間取先生之脈圖而覆檢之乃知先生之取徑殆

與仲景同一輪蹄也仲景論傷寒首以脈法先生前其脈圖以之仲景論傷寒署以六經先生分配六部以之仲景論傷寒曰陰陽表裏府藏先生區脈以浮沈虛實冷熱以之仲景論傷寒先脈後證各有主方方雖一成而有互用先生各具其證與處方於每圖之下方亦一成而有互用以之余因以讀仲景書法讀先生書吟哦索味之下遂得句先生之圖於徑之中併得測先生之圖於徑之外部於上者心與肺中有徑焉測之而得夫營衛之布宣津液之輪沛也部于中者肝與脾中有徑焉測之而得夫樞機之旋轉胃氣之蒸騰也部於下者兩腎中有徑焉測之而得夫龍蟄之動靜水火之抱

二千七百七十五

華金卷片

離也至於徑分左右測之而知陰陽之道路不得及遷徑列
 崇卑測之而知山澤之降升要須互換他如五藏六府四體
 百骸有絡有谷有原有街其間經隧井然步里秩然莫非怪
 也則何莫可測之而得其交會得其阻輸益人身一天地也
 四海九州吳鳥輿圖載彼藏府三指是我路程人無路程幾
 何不南轅而北具轍梯山而航及海以此測先生之鑿徑固
 先生醫學中一快四海九州地母經也豈惟醫事以此測先
 生之生平凡精靈博奧之學現諸琅函秘笈者何莫由斯徑
 也醫其可以不徑哉不徑則滄海能不通而涉泰山可不卑
 而登吾意其人遇淵必躍墮在是矣否則得牆而面無或撞

乎徑之為言路也浮沈屋敷虛實冷熱之間若大路然醫而
 墮與撞寧致有此況今宗風大盛誰不帝畿京觀其人者即
 使町畦之子朔南未辨亦復此據一丘彼擁一壑凡山徑之
 踐間蒙荆棘處無不設有一座終南在其跬趾下者若與
 先生鬪捷恐徑反在彼而不在此則豈特先生之徑其猶有
 蓬之心而余之為此測其猶有蠶之心也夫是又不能為先
 生解嘲於萬一也歲康熙九年庚戌正月燈節後三日新安
 草野程應旄郊情甫識

郁氏農醫書集卷集

未見

徐春甫曰邵震字剛文蘇州常熟人累世業醫至震尤讀書尚氣節初以明醫徵至京復以才武從偏師經畧西域諸國者三以功賜三品服世授蘇州府醫學正科著醫書纂要集等

周氏溥方法考源

未見

用藥歌括

未見

按右見于河南通志

鄭氏鎰雲嶠醫說

國史經籍志十卷

未見

祥符縣志曰鄭鎰字尚直業醫療病多神異問奇探秘年逾七十著述不輟有續醫說杏花春曉堂方方法考諸書行於世

杏花春曉堂方

未見

方法考

未見

醫書百朋

未見

按右見于開封府志志作鄭誼似誤

費氏傑名醫抄

未見

山陰縣志曰費傑字世彥曾大父子明為元世醫宗傑故以醫承其家性古慈敦篤邑人患劇疾雖百里外必迎候傑至投一二劑輒效嘗設藥餌以週邑之窮獨葬疏遠無歸者數十人嫁外姓之孤者五人即守戴堉七重具雅誼加賓禮焉所著有畏齋詩稿名醫抄經驗良方為世所宗

經驗良方

未見

徐氏沛醫學決疑

未見

松江府志曰徐沛字澤卿少從周萊峯游以文章行誼相切劇讀書博涉尤精內經用以診疾輒起所著有方壺山人稿及醫學決疑

劉氏倫濟世內科經驗全方

三卷

存

高氏祖鈐法書

一卷

未見

青州府志曰高祖益都金嶺鎮人性醇厚正直以濟利存心弘治間傳異人醫術直抵精明診視察故辨證出奇天下讓能群醫莫及時號為盧扁尤專傷寒鈐法定脈不差時刻所全活者不可勝計抱疾求療者踵門無虛日尤注意貧困家務與善藥未嘗有責報心行年七十餘卒逮屬纊問藥者猶在門也所著有鈐法書一卷

周氏文舉醫方選要

十卷

存

興獻王序曰周官醫師掌醫之政令聚毒藥以共醫事曰王之食飲曰萬民之疾曰疢瘍者皆有醫先生懋先人之德又濟之以生生之具故人彌厥性固有闕札者豈非順化之治哉迨我祖宗治政師古設有內外醫藥院局若所為慮已深為具已悉為天賴下已廣即周官之良法美意亦不能過是但名醫多萃於都邑而窮簷蔀屋疾病者何限惠政先於所近而遐陬僻壤率多庸醫如是而求仁澤之無滲漏其可得哉然欲俾醫道之無間而仁澤之旁洽非假醫方以博跡之不可也吾受封以來脩齊之暇每令良醫周文采等於諸方

書中精選其方之簡明切要而有微功者以進吾躬為較院
 得十卷裒成一帙名之曰醫方選要以與天下疾病之人共
 之苟適得是書所選簡要之方以攻所疾則垂斃之命庶乎
 可生而為太平考終之人矣雖然人所自致之病是方或可
 治之若其病於凍餒病於徭役病於憲網病於征輸病於鋒
 鏑之患而不能起者則惟好生之聖天子若贊化之賢宰執
 能相與消息調停以通其關節脈絡而生之全之安之養之
 俾少可壯壯可先少壯可終事其老而成躋於壽域焉顧敢
 謂是方之能爾哉國語曰上醫醫國其次醫人蓋此之謂歟
 因序而書之篇端時弘治乙卯冬十一月望大明興王書于

中正齋

自序畧曰弘治乙卯秋七月既望敬蒙王殿下令旨命臣文
 采集錄醫方臣悚愧之餘遂稽顙再拜而嘆曰仁矣哉我王
 之用心也蓋仁之蘊於中者深厚而莫測故其發於外者克
 大而難禦惟殿下天衷純粹纖欲不留仁之蘊於中者而其
 深厚可知以故發而為孝敬為友愛為恩禮以慈祥以撫眾
 其仁之發於外者亦可謂克且大矣而睿意尤以為人之有
 身不能無疾攻疾之要非藥石不可然藥石之當否又係乎
 醫方之良不良耳于是不以臣為愚陋乃命集錄古今良方
 欲嘉惠遐邇其仁之克大又可以勝言哉臣幼承家學服膺

有年第以質性愚劣雖苦心極力未能得其要領今祇承睿命遂忘其鄙陋勉強擇出平日所聞所見及常用有驗之方去其繁而就其簡分門別類凡十卷名之曰醫方選要庸成編帙敬陳睿覽然但愧其擇之未當無以上副殿下壽衆之仁心也他日賜及遠近使人因是疾用是方而儻獲功効之一二是豈臣之能所致哉實惟殿下之仁有以及之也仁之澤愈流而愈長天之慶益臻而益熾亂祚綿遠與國咸休蓋將並天地之悠久矣臣草茅賤質臨書不勝惶懼之至謹拜首稽首上言弘治八年冬十月吉且良醫副臣周文采再拜謹書

徐春甫曰周文采與府良醫得內經之要旨該究諸氏方書治療盡效睿宗獻皇帝命選經効奇方編次成書共損民瘼世宗繼念生民疾苦復梓頒行天下名醫方選要四庫全書提要曰醫方選要十卷周文采編李時珍本草綱目引作周良采字之謫也其里貫未詳是書乃其為蜀獻王椿侍醫時承獻王之命所作則洪武中人也每門皆鈔錄古方而各冠以論嘉靖二十三年通政使顧可學奏進詔禮部重錄付梓仍行兩京各省翻刻前有獻王序及文采自序併載禮部尚書費家題覆疏二篇蓋亦翻刻本也

按是書弘治八年憲宗第四子興獻王祐杭命良醫周

文采而所編也獻王及文采序詳記其年月提要曰洪武中蜀獻王椿所命其失檢之甚何至于此

應氏醫刪補醫方選要

十卷

存

王氏鑿本草單方

明志八卷

存

自序曰予讀大觀本草見漢晉以來神醫名方往往具在間取試之應手而驗乃知藥忌群隊信單方之為神也而世不

及見窮鄉下邑獨以海上方為良不知古方固猶在予而敢見藥出倉卒之際未見檢尋予在翰林日多暇手自抄錄為一編對病檢方較若畫一不敢自秘因梓刻以傳於予群隊之患非獨醫藥也用人用兵蓋莫不然有能得是方而治之其可少瘳已乎弘治丙辰翰林院侍讀學士兼左春坊左諭德王鑿序

又曰始余擁掖諸方未克彙粹吾弟來之益加蒐討許忠甫又細校之始有端緒又以近世名醫如東垣丹溪之論冠諸篇首庶覽者曉知病因隨病用藥命延詰刻而傳之

錢謙益曰王少傳鑿字濟之吳縣人成化十一年進士及第

自編脩歷官吏部右侍郎正德元年入內閣進戶部尚書文淵閣大學士加少傅改武英四年致仕嘉靖初遣行人存問將召用而卒諡文恪

方氏如川重證本草單方

六卷

存

自序曰古稱神農嘗味得藥三百六十五種分上中下三品養性養命攻病各從其類世漸增多著見本經茲不見論如華元化以疥癩吐蛇盛怒愈疾也品外單行庸非長桑公家秘禁者耶唐代猶尚目為天寶單方繁宋纂脩本經漢括百

氏可謂該備金元諸家皆經撰論創湯液本草遂與微言脫異禁方迥別矣農皇道篤至是中輟吁此醫藥之大變也故外經亡於漢而望色聞疹之法替作書焚於魏而抽割瀉洗之技衰本草背於明而處方和濟之道隱謬戾相仍踵維天枉作俑流毒者固農皇之罪人蓋日中則仄不私於人者使之然也明興掃清寰宇氣運聿迴方今海內元老頻膺上壽意詢非一昭於國典寧令大和元氣有擁閼不流於是焦大史荐出禁方佐藥圃鄭先生濟窮鄉下邑之無從就療者極行意且未恆欲輯本草單方廣設津梁屬余偕鄭克明氏校閱未與古合若從舊刻及續編其諸病候弁以金元時語歸之

太玄系易繇辭其不可也必矣昔人欲刊正周易及諸藥方先詣祖訥共論祖云辨釋經典縱有異同不足以傷風教至於湯藥小之不達便致壽夭所由後人受弊不少何敢輕以裁斷余鑑此言特搜古論易去方藥悉遵本經庶幾聖哲靈蹤循轍可訊其諸異宜條載凡例云新都後學方如川樸鄭澤序曰自高氏之脈訣行而王叔和之脈經不講識者謂亂人脈者訣也夫周身經絡合周天經度天行萬古無舛則人精息息相通以手拊手者尚曰或亂之也而况金石草木飛潛蠕動五方之風土既三品之貴賤復殊業而考焉僅一本州猶將弁髦弄之則源之不窮流於何有夫本草者大神

聖世之經諸賢哲翼聖之業自然也又安望所載之單方人競讀哉吾里方君士弱以儒貫醫博綜之餘窮心本草舉震澤單方舊本敷理闡精刊訛正緒而著就一編為若干卷余得手讀之較余曩者所集經驗方疴疔迥別矣因為士弱斯編也天生地養成性不變經之謂也聖作明述執理不易方之謂也是有體之學也體既備矣用斯賅矣藉令察病者影響於方窮於用耳余顧用是者寧以方合病毋以病合方非窮於方窮於用耳余顧用是者寧以方合病毋以病合方藍中出青習門功是又為有用之學士弱以為何如士弱曰善請梓行之俾同志知所用焉則且與脈經相表裏矣萬

曆庚戌端陽日墨寶齋居士鄭澤題

王氏論明醫雜著

一卷

存

自序曰予脩本草集要既板行矣或問於予曰子之本草人皆愛之然尚復有他書可行者予答之曰有而未成也予嘗欲著隨證治例使窮鄉下邑無名醫者可按方治病閉戶一月纂成五篇後覺漸難下手而止又見諸發熱證多端而而世醫混治悞人遂欲分別諸證萃為一書嘗著論一篇以見大意又嘗欲續丹溪語錄餘論等書著得醫論二十條及

補陰枳朮等九方論皆未及成書今方奔走仕途何暇及焉俟他日退休林下庶可續成諸書以行世也因出示之或者曰此雖未成書然皆切要之論人所急欲用者吾聞仁者急於救人若蚤得一條一論以開迷悞濟困苦以甚美矣何況連篇累牘有如此而不蚤出示人乃曰必俟他日成書焉無乃珍秘吝惜恐非仁人之用心耶予笑曰豈有是哉予乃以是責我請遂出之遂名曰明醫雜著錄梓以傳尚俟他日續成全書以畢予志弘治十五年歲次壬戌夏五月既望賜進士出身亞中大夫廣東布政司左參政慈谿王綸沙言書劉桂曰凡人血病則當用血病若氣虛血弱又當從血虛以

人參補之陽旺則能生陰血也東垣曰血脫益氣古聖人之良法補胃氣以助生發之氣故曰陽生陰長用諸甘劑為之先務舉世皆以為補氣殊不知甘能生血此陽生陰長之理也故先理胃氣人之身內以穀氣為寶近時醫者多執玉冰言明醫雜著云陰虛誤服甘溫之劑則病日增服之過多則死由是一切脾胃飲食勞倦之證認為陰虛惟用四物湯加苦寒之藥吾恐地黃當歸多能戀膈反傷胃氣所謂精氣血氣何由而血生未見生而穀氣先有所損矣昔一士人形肥而色白因見明醫雜著所載補陰丸服之數年形瘦短氣蜀醫韓天爵用辛熱劑決去其滯餘而燥其重陰和平無恙此

則未達方書而輕率自誤可不戒哉

薛氏已明醫雜著註

六卷

存

王氏編醫論問答

一卷

存

沈氏時譽醫術

未見

蘇州府志曰沈時譽字時正華亭人工醫從吳居桃花塢唐

寅別業切脈若神投劑輒起晚年築室山中著醫衡病議治
驗諸書

病議

未見

治驗

未見

亡名氏保生餘錄

無卷數

存

按是書分大人科眼科口齒咽喉科外科婦人科小方

。送

脈科六門不析卷數嘉靖甲申南汀賴恩序稱古有保
生餘錄一部郵鄉致張君韶先君子以菴先生尸齊東
時刻梓印行以惠人人云則當時既不詳成于誰手

傳氏送醫學集成

明志十二卷

存

徐春甫曰傳滋字時澤號遼川浙之義烏人敏穎博學下問
謙恭醫術甚精且不自足活人不伐者醫學集成

醫學權輿

四卷

存

按胡文煥百家名書所刻書僅一卷不著撰人名氏蓋
係所節鈔

饒氏鵬節畧醫林正宗

八卷

存

黃珣序畧曰臨川饒東溪叟之醫之學得其源委已人危矣
如手發蒙余偶入廣經長樂但暑用其藥果驗間適症藥者
爽實余且待時天氣斗熱東溪不旋踵而至曰藥服乎從
者訛其慎重如此是能知所敬矣一日乘余情暇袖其平日

手纂仲景東垣等四子醫要一集請曰吾每奏効於貴遊家
有此願畧一言以弁其端東溪江右人也久遊廣海陸其
壽游久則閱歷熟壽隆則智慧精手纂四子之要可謂得醫
學之的者矣東溪執昔者之敬而不衰斯可將四子而肩淮陰
矣於乎主敬一說所關最大豈特止於醫哉功用宏博實吾
儒之家法也醫於儒有迹可與言故言之叟名鵬字九萬以
醫功冠帶於正德壬申之禩東溪具別號云

虞氏博醫學正傳

明志八卷

存

自序曰夫醫之爲道民命死生所繫其責不爲不重藉或不
經儒術業擅偏門懵然不知正道不反幾於操刃以殺人乎
粵自神農嘗百草製本草軒岐著素問越人作難經皆所以
發明天地人身陰陽五行之理卓爲萬世醫家祖不可尚已
厥後名醫代作躡聖門而探玄微者未易悉舉又若漢張仲
景唐孫思邈金劉守真張子和李東垣輩諸賢繼作皆有著
述而神巧之運用有非常人所可及也而其所以辨內外異
攻補而互相發明者一皆祖述素難而引伸觸類之耳其授
受相承悉自正學中來也吾邑丹溪朱彥脩先生初遊許文
懿公之門得考亭之餘緒爰自母病刻志於醫求師於武林

羅太無而得劉張李三家之秘故其學有源委術造精微所
著格致論論局方發揮等書皆所以折衷前哲尤足以救偏
門之弊偉然百世之宗師也東陽盧和氏類集丹溪之書爲
纂要俾醫者出入卷舒之便其用心亦勤矣愚以觀之亦未
足以盡丹溪之餘緒然丹溪之書不過發前人所未發補前
人所未備耳若不參以諸賢所著而反合爲一豈醫道之大
成哉愚承祖父之學私淑丹溪之遺風其於素難靡不苦
志鑽研然義理玄微若坐豐蔀追閱歷四紀于茲始知踐徑
今年七月有八莢桑榆景迫精力日衰每憾世醫多蹈偏門
而民命之夭於醫者不少矣是以不揣荒拙銳意編集以成

全書一皆根據乎素難從橫乎諸說傍通已意而不鑿以孟浪之空言摠不離乎正學範圍之中非敢自以為是而附會以誤人也目之曰醫學正傳將使後學知所適從而不蹈偏門以殺人蓋亦端本澄源之意耳高明之士幸毋謂為普正德乙亥正月之望花溪恒德老人虞博序

徐春甫曰虞博字天民號恒德老人浙之義烏人世業醫博幼穎悟承家傳之學深究素問治効益高晚年八旬有醫學正傳行世

四庫全書提要曰醫學正傳八卷明虞博撰博字天民自號花溪恒德老人義烏人是書成於正德乙亥其學以朱震亨

為宗而參以張機孫思邈李杲諸家之說各選其方之精粹者次於丹溪要語之後復為或問五十條以申明之

方脈發蒙

明志六卷

未見

蒼生司命

八卷

存

周氏宏衛生集

醫藏目錄四卷

未見

四庫全書提要曰衛生集四卷明周宏集宏始末未詳前有
正德庚辰宏自序復繫以五言律詩一章詞頗近俚其論外
感法仲景內傷法東垣濕熱法河間雜病法丹溪尚屬持平
之論然亦大略如是未可執為定法也

沈氏綬山林相業

十卷

未見

黃氏五辰醫家正旨

六卷

未見

按右見于江陰縣志

醫經正宗

八卷

存

朱氏治病要語

十二卷

未見

曹于汴序曰余曩聞縫藩東壁公所自撰墓誌銘服其達於
生死賦小詩贊之此觀辛復元氏所為公傳更悉諸懿行復

元向余言公晚年學業於學公之孫誠一奉公命從幸子遊
 能安其貴而篤於道一氣鍾即庭訓耶俱可窺矣誠一子公
 所著治病要語示余以仁義禮智信五字為基臚列十要而
 參以素問本草及諸家方訣為卷十二蓋壽天下之書也誠
 一曰吾祖初著此書計卷四十繼減為二十又繼減為十二
 此亦先世所稱日減而近於放下之指矣世人能稍技倆持
 此者亦鮮即此是學即此是道宜其達於生達况以下區區
 世味烏能動乎吁嗟晞公者且從生死以下忽動仰節堂集
 ○下有闕

醫籍考卷五十六

醫籍考卷五十七

東都 丹波元胤紹翁編

方論 三十五

世宗易簡方

明史一卷

未見

韓氏惠生醫通

醫藏目錄二卷

存

自序曰醫通集成幾欲焚去今年家兄命謂先君序集有劫

。期。

公手澤其容弗傳乃補茸分九章凡九十五則釐為上下二卷讀且數過心動顏汗向兄不能語者久之而必語曰人有定壽醫善折之聖智不能加多也病者氣機醫每失之造化不容以無鑿鑿也兄謂弟誠能醫乎哉夫孔門學農圃者小之而老氏忘言罔象又奚醫之為也是編上徹下語而已爾嘉靖改元壬午六月飛霞子韓恂天壽自序

李挺曰韓恂號飛霞道人國朝蜀之瀘州人本將家子弘治成化時少為諸生因不第就縫掖往峨眉諸山訪醫升菴揚太史稱之曰真隱世傳道也醫通二卷特其土直云耳

陳氏諫蓋齋醫要

明志十五卷

存

韓廉序畧曰陳氏故業醫在宋高宗時以醫獲效有宮扇之賜後故易之以木杭人以木扇陳呼之蓋齋名諫字直之蓋世於醫者也醫要之傳觀者當自得之

趙氏繼宗儒醫精要

一卷

存

自序曰繼宗因進士多病訪諸名醫服藥無效自考歷代六書脈理藥性配合調治始痊後任知縣及歷陞金事等官

凡遇官僚軍民人等有患諸證俱繼宗處方用藥並無失誤
然於職業不妨撫按等臣有考治政有為守己有玷者有考
持猶必之志著通敏之才者有考負英氣落落而不羈遇政
事孜孜夜而有幹者有考有守有為吏民畏服者有考賦性敏
而有識臨事果而有為者有考持身嚴謹處事公勤者有考
猶必自持公勤素著者有考處繁不亂執政不撓者勸將五
次旌異一次豈被無情懷私妄劾又被欺公隱蔽考語歸休
林下絕足跡於官府肆心力於醫書所著有傷寒傷暑雜症
痘疹脈訣醫法治人 覽本草切要與治癆過大小男女內
外諸方二十餘本仰國恩之未報生斯世之可羞乃以一得

之愚竊叱并曝之獻尤恐浩繁有遺聖覽略舉諸證精要共三
十三篇錄為一帙欲以保聖壽於無疆竭涓埃於萬一具本封
進縉紳之在朝者咸曰僕至理發前人之所未發蒙聖旨書送
太醫院禮部知道咸恩自天報德無地及恐四方之有病者去
聖愈遠私智愈多誤人命脈體皇上惠民好生之心倩工刻梓
以廣其傳如有病而得痊者皆皇上之所賜也繼宗無與焉嘉
靖七年戊子六月既望賜進士廣東僉事休致慈裕趙繼宗序
劉桂曰夫人之一身陰常不足而陽常有餘故丹溪諄諄勉
人養於陰以配陽實非欲補陰以勝陽也余近見趙繼宗醫
法舉一書駁丹溪專欲補陰以並陽是謂逆陰陽之常經決

然補陰之理二辯王叔和命門屬火之誤三辯張仲景傷寒
 無汗吐下法四辯張潔古無中暑中熱之分五辯中風無火
 氣濕三者之論六辯十二經之脈差謬趙公偏執已見妄立邪
 說以欺人非特經旨得罪於吾教多矣噫仲景叔和醫之聖也百
 世之師也繼宗何人而敢輕議如此多見其不知量也續醫說

盛氏端明程齋醫抄
 一百四十卷

未見

程齋醫抄撮要

醫藏目錄五卷

存

自序曰予嘗醫抄一百四十卷首以內經素問脈經諸書為
 經集歷代名醫所論著分門為治法諸方餘三十年間宦輒
 南北所至携以自隨每遇有奇方秘法輒編入于各門第簡
 帙繁多不能抄寫偶鄉友滕子安氏一見喜而欲壽諸梓以
 傳亦患乃有弗及遣其子大學生克誠來請欲予撮其要者
 錄之予於醫書所自得者皆非方法所傳欲撮其要尤難也
 乃以近驗者付之亦曰撮要云者因其請耳非謂醫抄中所
 集者其要止此也欲知醫者必得醫抄全書而詳習之厥術
 台妙此特其千百中之一二云耳但窮鄉僻壤中得此亦可

療疾也。滕氏刻書之功，豈可泯哉。故序之以貽得此書者。俾知所自云。時嘉靖癸巳夏四月朔，玉華山人盛端明書。

徐春甫曰：玉華子，姓盛，名端明，潮陽人。登弘治壬戌進士，性好醫方，有求療，不分貴賤，即與藥。官至禮部尚書，有醫抄百四十卷，并撮要等書。

王氏世相醫開

七卷

未見

四庫全書提要曰：醫開七卷，明王世相撰。世相字季隣，號清溪，蒲州人，呂柟之門人也。官延川縣知縣，是書凡二十四類。

首載或問數條，謂醫學至丹溪而集大成，蓋亦主滋陰降火之說者。

徐氏子宇致知樞要

明志九卷

未見

俞氏并脈證方要

醫藏目錄十二卷

未見

何氏璠醫學管見

一卷

存

題詞曰余平日好養生之術以醫道切于養生且可寓濟物之仁也故留意焉沈潛日久頗有所見多前賢之未發時或語人契者甚少益以其素不留意故驟語之而不入也竊念余老矣不惑使所見無傳終于無用且恐或有差悞無以來賢者之教也乃錄出如右醫雖小道而可以寄死生之命士君子平居畧不留意一旦有疾乃委死生于庸醫之手豈不悞哉力學應事之暇時一留意蓋未必不賢于博奕也嘉靖甲午夏四月望日懷慶何塘自叙

徐春甫曰何栢齋名塘學究天人權弘治康海榜進士入

翰林歷陞都御史守身之潔一水不取踏道之堅終日不待性天悃悃了無外慕方書調攝尤究心焉蓋以醫道切於養生且可寓濟物之仁也遂燭精微發前聖之未發闢後學之晦盲觀其著傷寒三陽欬嗽相火等論可知矣嘗謂士君子平居畧不留意于醫一旦有疾乃委死于庸醫之手豈不誤哉其集曰栢齋三書

四庫全書提要曰醫學管見一卷明何塘撰塘號栢齋懷慶人宏治壬戌進士官至南京右副都御史謚文定事蹟具明史儒林傳是書凡二十二篇自記謂因讀素問及玉機微義二書而作其說皆主於大補大攻非中和之道其第十九篇

論久病元氣太虛病氣太盛當以毒藥攻之尤不可訓其論金石藥一條則名言也

葉氏文齡醫學統旨

醫藏目錄八卷

存

題辭曰醫仁術也愛之道也先王之教主於仁而其愛溥也是故察脈醫之本也視證醫之則也調藥醫之用也立方醫之信也立方何以爲信曰方有徵則信信則斯傳傳則用斯行行則則斯章章則本斯立則愛人之心無窮庶幾成仁術矣乎文齡二十年來蓋嘗用力於此而求仁未能也嗟夫不

精於藝而但有愛心者是謂徒善能用其術而不根於愛者是謂無本根於愛而無所傳者是猶無術徒善不能行無本不能立無傳不能廣予懼夫人之病夫仁也是醫學統旨之所以作也是書也爰輯舊聞參之新得俾異同歸一繁簡合中同志者肯究心焉則審脈察證處方辨藥或不無少助文齡不佞抑求正於仁人爾嘉靖甲午長至日武林石峰子識

鄒理序畧曰葉氏故儒生已去學軒岐家言用薦入御藥坊事敬皇帝再進祿秩當國工稱蓋非徒言之者
仁和縣志曰葉文齡字德徵幼業儒不遂去學醫禮部屢試優等例授冠帶供職於聖濟殿陞太醫院吏目甲午召診保

和有功陞御醫忽被宣召御書忠愛額於堂庚子再召陞院判後因母老乞終養遂致仕所著有醫學統旨行於世

汪氏醫學原理

醫藏目錄十三卷

存

自序曰余幼習舉子業寄名邑庠後棄儒業越二十年得以醫道鳴世編訂素問鈔本草會編運氣易覽外科理例痘治理辨針灸問答推求師意脈訣刊誤傷寒選錄等書幸諸從遊者協力鉅梓以廣其傳每病前書文理浚漫患吾子孫有志于是者非二十年之功弗能究竟其理因而挫沮者有

之于是復作是書首以經絡穴法列于前繼以六淫之邪與夫氣血之病次以內傷諸證婦人幼科終為九十三卷命曰醫學原理其中所論病機藥性悉本內經本草治方脈法皆據名醫格言朝究暮繹廢寢忘食經歷八春而始克就惟欲吾之後人樂守是道以承吾志觀病機即知病源之始終脈脈法即知病證之生死讀方旨即知立方之主意各條端緒燠然于心庶不負吾生平之所好也果若吾言則是集匪為虛文可以事親可以養身可以活人其為利也實溥矣又何羨于良金股產之是遺以損其志而益其過耶

石山醫案

醫藏目錄三卷

存

程曾序畧曰吾郡祁之汪石山儒醫也於素問則有補註本草則有類鈔脈診有論著運氣則有提綱外科及針灸等書則又俱有纂述蓋集古今諸名家之所長而為一大成也予其從事于醫殆四十餘載凡病家之求治者因脈製方隨投輒效從遊之士得於目擊者即予錄之以為成法其邑西石壑陳楠氏實石山高弟以其所錄者分為三卷名曰石山醫案刻之梓以傳詣予終老樓層序之夫病之見治於石山也如饑者得食而充渴者得飲而解溺者得援之而登顛危

者得扶持之而安蓋醫之王道也使同生朱滑之時其抱負設施與之同驅並駕未可具或後先也後人視此不亦猶法家之有斷案也哉引伸觸類延惠無窮其為慈孝之助多矣石山之傳撰于鏡山其未及載者賴此以傳豈非後人之幸歟石山名機字省之石山其號也

四庫全書提要曰石山醫案三卷明陳楠編楠字惟宜祁門人學醫於同邑汪機因取機諸弟子所記機治療效驗良為一集每卷之中略分門類為次自宋金以來太平惠民和劑局方行於南河間原病式宣明論方行於北局方多溫燥之藥河間主瀉火之說其流弊亦適相等元朱震亨始矯局方

之偏通河間之變而補陰之說出烏機所校推求師意一書實由戴原禮以溯震亨故其持論多主丹溪之法然王氏明醫雜著株守丹溪至於通用寒苦機復為論以辨之其文今附醫案之末則機亦因證處方非拘泥一格者矣其隨試輒效因有由也舊有機門人陳錦所作病用參耆論又有機所作具父行狀及李汛所作機小傳今亦併錄之備參考焉

醫讀

七卷

存

繆氏坤方脈統宗

未見

江陰縣志曰繆坤字子厚七世以醫傳坤名更著性行淳篤自當脈辨方之外端居讀書不交塵事嘉靖間帥府檄至行間療疫全活甚多榮以冠帶非其好也著方脈統宗行世鄉飲十七次壽九十自為文誌其墓

高氏志齋醫論

二卷

未見

四庫全書提要曰志齋醫論二卷明高士撰士字志齋鄞縣人是書作於嘉靖中上卷專論痘疹下卷雜論陰陽六氣血

脈虛實具說云今之醫者多非丹溪而偏門方書盛行則亦以朱氏為宗者矣

鄒氏福經驗良方

明史十卷

未見

問書曰鄒福字魯濟業醫善察脈決人生死於數載前遇奇瘡他醫不能治者福投數劑輒愈嘗手集經驗良方十卷

呂氏變治法提要

未見

按右見于江陰縣志

張氏世華醫家名言

未見

宗臣太醫院院判思惠張君墓誌銘畧曰嘉靖二十九年八月十一日封太醫院院判思惠張公卒梅狀公諱世華字君美思惠具別號也生而聰敏超特自少銳志于儒涉獵經史通其大義既而怙恃蚤失家道中衰乃幡然曰心存愛物醫儒一道也復修世業遂能盡虛扁之術所試輒有奇效為藉籍聞三吳時負病及門求療者如市正德間吳大疫公移藥囊于道衢隨請而應全活數十人吳有富室子病痿三年諸醫束手不治公曰此病在場也急以五毒之劑攻之即起矣

已而果然其人酬之百金公笑而却之吾何利哉姑驗所見

宗子相集

陶氏浩藥案

未見

徐春甫曰陶浩字巨源太倉人以儒攻醫數起奇證有藥案

藏于家

方氏廣脈藥證治

未見

汪氏宜醫學質疑

未見

證治要畧

未見

按右三書見于古今醫統

吳氏是扶壽精方

醫藏目錄二卷

存

按萬曆丁亥王氏所刻書三卷題曰續扶壽精方卷首有養真篇男女篇飲食篇事親篇四道及湯膏粥酒等三十二首其他諸方與是書不有異者

吳氏球諸證辨疑

明志四卷

存

活人心統

四卷

存

吳球曰此書集先賢之成語論藏腑之盛衰錄古今經驗之方開後學正大之路皆直白之言非雕琢之說同志者鑒之陳莘題楚山吳翁小像後曰翁博學慕古輕財重義少嘗游心經術醫業獨得其精乃修方脈主意活人心統食療便民

諸症辨疑等書一十六卷感鉅卿慎齋胡公發明雲東龍公岱野張公邑度赤山鄭公校證繡梓得成全集真醫學之指南也

方脈主意

未見

楊氏起經驗奇效單方

二卷

存

孫氏應奎醫家必用

一卷

存

徐春甫曰孫東毅名應奎號東毅洛陽人登正德辛巳進士好醫方以活人為心有疾者不限高卑即與方藥官至戶部尚書著有醫家大法大旨必用等書若干卷

醫家必用類選

四卷

存

按先子曰嘉靖辛丑春東毅已著醫家必用後十二年更分門類方有所增添名曰醫家必用類選其序則與原書同故題曰復書

俞氏橋醫學大原

未見

海寧縣志曰俞橋少業儒究心理學兼精岐黃術嘉靖中以名醫被徵累官大醫院判橋於方書無所不晰更博詢名家得河間潔古東垣未刻諸稿及古今秘方斟酌揖益之以治病無不奇驗居京師耻事權貴而貧家延之必盡心療治以故名愈藉藉而醫日窘士大夫雅重之著醫學大原一書蒐輯樞素以下諸家有關證脈者次以賦括令業醫之士診脈製方有所考證焉

李氏家醫略正誤

三卷

存

聶璜跋曰余內端石泉醫略正誤就梓方伯東谷叙并其端
 推衍引觸遠大不泥盡之矣迺謬屬諸叙末余又何言哉因
 次第具心學淵源以備觀覽之目石泉自少入郡膠彈力學
 易出入諸子史百家坐是進疾奉厥甫東郊翁命就醫時東
 陽盧穀庵以茲術鳴寧藩禮致在館一見石泉奇其神異遂
 傾心焉未踰年疾瘳盡得其肯綮妙辭歸穀菴歎曰吾業有
 傳吾可以休竟請去得脫黨禍人咸喜穀菴先幾石泉得師
 自是本業優研極素難諸書有心得處筆之見偏門病病者

失處筆之與已之應病候寒暑按經絡驗處又筆之參訂指
 摘診脈之誤積撰成書分條別方題曰醫略正誤識者宗之
 每暇坐小榻輒取古詩畫玩適興到模倣揮灑體格成家題
 品景象韻格高古縉紳士謂其詩中有畫畫中有詩得之如
 獲拱壁匪獨醫之可稱然其化于今文選貢致用東谷曰子
 是之編可傳製序以贊其成刻予閱之嘆曰石泉是編信諸
 父兄師友信諸古而無誤於已者不亦可信諸人而無誤天
 下者乎視專門秘方者不侔行將徵諸內院使司局者果能
 如東谷所謂變而通之毋忌與執未必不為諸偏門斷案也

顧氏 備 簡明醫要

卷

醫藏目錄五卷

存

自序畧曰：儒因先君多病，久病成醫，得延壽考，乃示余曰：事親者不可不知醫。汝能攻之，非惟濟世，亦可養生。古良醫良相，並馳於窮達之間。苟有益於生民，則相業不見其多，而醫道不見其少。汝姑勉之。余拜啟諾。即棄儒就醫，師浙東之異人，訪深溪之高士，無憚晝夜，力學有年。凡遇病付藥，苦心力索，務求效驗。果幸地方得以少濟，而妻子亦藉以溫飽。由先君之遺教也。今老矣，有子別攻舉業，憫後無傳，且慮吾之子孫後或疾痛，假手庸醫，無能治療，欲存管見，自備檢閱。又慮

夫先賢立論著方之浩繁，搜索不便，故撰擇已經效驗平常方藥手錄成帙，分門論病，分病定方，一閱可得，其難製之方不錄。性異之藥不取，豈不簡且明哉。名曰簡明醫要，蓋皆聖賢之遺旨，非敢隙光自耀。擅措一辭也。識者幸相與訂正之。歲在乙巳仲夏，錄成，昔年七十有三。

江陰縣志曰：顧儒宗成憲，少業儒，因侍父疾，久遂通醫技，劑無不立效。病家嘗夢其祖先，告以疾非顧翁弗療。遠近爭延，貧者往往予之藥，復佐之薪米。著簡明醫要五卷，年八十終。

簡明醫要補遺

一卷

存

郭氏醫方集略

七卷

存

跋曰余聞於節宣日抱宿痾往為刑吏讞獄江左務殷損神
 事竣返泗河之墟病益棘衆委之不可起賴歸德閔守材醫
 視全活迨今德之北土猶羸瘠不堪事事遂引疾乞歸靜藏
 自度適得錢情於醫悲惠古方摸序協則辨物分類雖擬具
 要而未盡也病小愈銓補地曹政暇延致名術探索玄奧時
 江左俞氏橋夏津王氏東陽維揚胡氏鐸金華邵氏泰京師

朱氏祿皆工於方技為衆所重因各出醫案及秘方相與參

究品評積歲成帙復取舊集以益之各曰醫方集略乙巳居

內憂邑侯海洲楊公閱而珍之忻欲就梓復錫誨言以并簡

端此其澤人利物固仁者之用情也噫余寡昧述群見以便

自調敢謂必傳而斟酌劑量亦惟執方而舊者有以變通之

耳若夫妙參函之用順性命之理弛張損益不泥軒岐而起

悟筌蹄顯侯醫國宗工嗣有以開我嘉靖乙巳孟夏望日丹

泉郭醫書

程氏伊釋方

醫藏目錄四卷

存

自序曰釋方者何釋醫方之名也方何以釋曰可以言傳者藥之名也可以意得者方之義也得名失義不得而用矣方之用也妙名義而通之者也弗通則泥泥則偏非唯病已適以誤人是故方之釋也不容已也夫農經昭示某法處垂七方十劑之制長金匱千金之書雜而引之方亦衆矣博觀覽豈難知哉然或作聰明以加減矜智巧而改釋方與病違者同意舛作者之意不亦戾乎余少涉醫流畧知大旨深懼肄業之士童而習之莫得其肯綮也迺取方訓義集彙為歌名八百歌相是為上稽聖經下逮張李旁證諸子附以管窺

雖童穉之階梯亦先哲之明鑒也若乃分部察候辨聲視色審盈虛以制變達消息而攻療則心手之妙固用意之自得非傳方之家所得悉而泥之者矣昔嘉靖丁未四月朔新安巖鎮月溪程伊識

序曰余嘗讀本草見古昔先民但云某藥主某病某事有某功或云某藥合某藥治某病為良後人加以君臣佐使之別製煉炮炙之宜而方名之未立也蓋自穴俞鍼石之法罕傳而判腸割臆刮骨續筋之法廢矣於是乃湯液酒丸粒而用之若扁鵲之傳所載有所謂苦參湯半夏丸之類而方已著矣至漢張仲景一書極為衆方之祖然其所云桂

枝湯麻黃湯芍藥甘草湯則直以藥味名之樸而不文猶有
 上古 皇之遺意其曰真武湯者言北方之水也而青龍白
 虎其義皆然標表既明治法與在固無事乎遠求而亦何事
 乎解釋也晉代以來其術漸廣良醫如張苗宮泰李子翬輩
 以及張茂先皇甫士安葛稚川陶弘景諸名士並研精斯術
 未有所撰惟范汪方百餘卷則其最多者也世代日降道術
 日非其淺見薄聞者深求隱晦鑄為巧似以聾瞽人之耳目
 而不自知其卑偽可厭妄誕可耻也於是亦 鑿而人及
 有不能 者矣每見世之醫工往往以相難捕風捉影如
 良可嗤笑新字程宗衡乃悉取諸方字為之解集諸

藥品而為之類名義昭然如指諸掌使世之用藥者循名
 以究其義因末以求其本其於藥術定無所得益也哉夫宗
 衡之為此釋深探力索旁引曲證可謂精確然其本意不
 為初學初發世人解惑耳 於大道玄通博物洽聞者則固
 無持於是也宗衡名伊字宗衡新安嚴鎮人家世習醫而
 驚人能涉獵書史通大義初學舉子業少孤弗能京乃
 學醫云

彭氏用光體仁彙編

醫藏目錄六卷

存

傳鳳翔序曰古今醫刻無慮數百種而脈訣則宗叔和氏太素脈訣詳有刻者則聞半洲蔡先生取廬陵彭用光所藏鈔本刻之嶺表序太素題曰體仁何蓋仁者天地生物之心醫以生人爲業仁術也太素醫之推也曰彙編者何先生又取用光所摘錄叔和東垣脈訣藥性與所嘗治病試驗方藥竟見圖說類粹鉅梓謂其與太素相表裏也太素不言治療叔和不言窮通均之本二氣之消息盈虛五行之生剋制化察識於呼吸隱約之微以辨別具生死窮通之數立論若殊指歸則一非若水火不相爲謀也用光潛心諸家云亦有年而參伍貫通若有得其肯綮者博遊於燕趙吳粵間縉紳君子招

延診治輒奏膚功咸稱慕之先生併刻其所輯序而傳焉蓋嘗有所試亦示人以全體仁道之微意也慨夫一嶺之隔書郵不至頃得之吳默泉方伯閱其中字有脫誤仍付用光正之用光復檢所遺漏方說并取同縣趙銓太素鈔增入若干條銓固精太素有名者茲編脈舊本頗爲明備雖非全書亦醫之要領也

簡易普濟良方

醫藏目錄六卷

未見

趙氏銓石亭醫案

未見

岐黃奧旨

未見

按右見于廬陵縣志又以體仁彙編為鈞所著誤

醫籍考卷五十七

醫籍考卷五十八

東都丹波元胤紹翁編

方論三十六

張氏時微攝生衆妙方

醫藏目錄十一卷

存

自序曰夫內經靈樞言攝生之旨甚詳然編簡斷蝕博聞莫正其訛衍譯藉微膚士徒割其緒流播益遐謬本初矣春秋以來乃有越人陽慶淳于意之徒潛授禁方隱垣知物施諸治療咸稱神明而術數奇咳罔所傳布其後乃有華陀益用

剝腹洗腸之技而遭匪其人殞身園棘獄吏却書引火就燎
 迄無遺焉又其後乃有東垣丹溪未覩堂奧頗沿流毒匪曰
 能神亦稱良師矣今諸醫家所循習則多其銓綜之方也然
 變化無窮裁成互異因時治療則豈無引而伸之者乎余少
 嬰多疾錢藥餌如膏梁或已已病或見已人之病輒以其方
 錄而藏之久乃遂成簡裘矣夫物我一體戚休同之倘可以
 解患苦而養元和將疾走告語孳孳况敢以自私秘乎爰分
 表門類次第具書而付之梓人

錢謙益曰張尚書時徹字惟靜鄞縣人嘉靖癸未進士兵部
 武選主事改禮部儀制出為提學副使歷官南京兵部尚書

以日本入犯勒歸有芝園集五十六卷列朝集

四庫全書提要曰攝生衆妙方十一卷明張時徹編時徹字
 維靜鄞縣人嘉靖癸未進士官至南京兵部尚書事蹟附見
 明史張邦奇傳是編分四十七門標目繁碎自序云每見愈
 病之方輒錄而藏之蓋隨時鈔集而成未為賅備

急救良方

醫藏目錄二卷

存

自序略曰曩得急救方一本每携以自隨或以自治或以治
 人率多懲應間有新得輒從其類附益之其譌舛無驗者刪

黜之遂付梓人刻焉

四庫全書提要曰急救良方二卷明張時徹撰分三十九門專為荒村僻壤之中不諳醫術者而設故藥取易求方皆簡易不甚推究脈理也

江氏璿名醫類案

國史經籍志十二卷

存

自序曰予讀褚氏遺書有曰博涉知病多診識脈屢用藥嘗撫卷以為名言山居僻處博歷何由於是廣輯古今名醫治法奇驗之迹類摛門分世採人列為書曰名醫類案是亦

褚氏博歷之意也自夫三墳墜而九丘湮方書繁而經論廢或指素難以語人鮮不以為迂者醫之術日益濫觴通經學古世不多見昔鄭公孫僑聘於晉適晉侯有疾卜云實沈臺駘為祟史莫之知乃問於僑僑具述高辛玄冥之墳參汾主封之故四時節宣之道通國驚異以僑為博物君子大史公作史記傳淳于意備書其治病死生主名病狀診候方脈詳悉弗遺蓋將以析同異極變化求合神聖之道以立權度於萬世軒岐俞扁之書匪直為虛誕已也今予斯編雖未敢僭擬先哲然宣明往範昭示來學既不詭於聖經復易通乎時俗指迷廣見或庶幾為耳學者譬之由規矩以求班因教以

求梁引而伸之，溯流窮源，推常將不可勝用矣。書凡十二卷，為門一百八十有奇，間附說於其下云。

江應宿序畧曰：先君子清脩力學，不偶於時，抱病攻醫，數起人危疾，未嘗以醫名家。藏禁方及諸子列傳，無慮百數十種，披閱遍數，手錄以備遺忘。積二十年所，遂成是書。分門析類，為卷十二，為條二百有奇。草創未就，遽爾見背，應宿不肯醫，齒多病，趨庭問難，頗契其旨。弱冠奉方伯叔父之滇南，尋遊吳越，齊楚燕趙間，博採往哲奇驗之跡，載還山中，懼先集未梓，久而散逸，因取遺稿，編次補遺，亦越歲十九，允五易抄，更與伯兄參互考訂，勒成全書云。

錢謙益曰：江秀才瓘字廷瑩，歙人。王寅曰：廷瑩早歲明經，本為用世之具，抱病廢棄，放情於詩。九邊有論，過羅有書，猶未忘用世之志。

抗世駿序曰：內經以五運六氣三部九候，原生人之疾病，診有一定之法，刺有一定之鍼。此所謂案也。雷公年幼，小別而不能明，明而不能彰。陰陽二十五人，先師之秘，伯高不能盡知。天地動靜五行遷復，鬼吏區上候不能遍明，通陰陽推四時，握五紀，藏具言於金匱，書其對於玉版，隆以天師之號，而無所讓。岐伯一人而已。岐伯十言萬語，汗漫極於六合，曰：無盛盛無虛虛，約以二言，此靈素之總龜也。經所謂實者，瀉之

虛者補之此二語之註脚也是之謂其言也立言立而案存
 後雖有良醫不能易所謂南山可移此案不可動也秦越人
 張仲景皇甫謐楊上善道其源而益顯張潔古劉河間王海
 藏李東垣暢其流而大明末流稍分人自為師家自為學能
 殺生人而不能起死人黃帝告雷公以十全周禮醫師亦言
 十全為上壘樞言上工十全其九中工十全其七下工十全
 其六岐伯言上工救病於萌芽下工救其已成救其已敗彼
 所謂中工皆今之上工也周禮十失四為下在今猶為中工
 中工之所不失者亦幸得之案不足錄上工之案則其可存
 者也明嘉靖時休寧江秀才權嘗取歷代名醫之已驗者輯

為類案子應斗應宿足成之吾觀太史公之傳淳于意則意
 之醫案也陳壽之傳華佗則佗之醫案也李延壽之傳徐文
 伯則文伯之醫也後史以醫為小道傳方術者畧而不書而
 案之存於史者益寡諸醫之良者自得其術倖而不終至於
 泯沒江氏賤而存之意良善也書之殘失而字句訛謬吾友
 魏玉橫氏精於醫術能窮其源附以已見而論議不至混淆
 鮑以文氏博於考索能知其故刊其訛字而湯齊不致貽誤
 過而請序余不知醫之術而能深見其理是書也出醫學入
 門之階梯也虛衷玩索由病以求其源而軒岐不難堯禹遇
 之吾所告於世醫者有三一曰審脈自偽王叔和之脈訣行

左為人迎右為氣口庸醫奉為科律二語不知其何本也六節藏象云人迎陽脈氣口陰脈可言陰陽不可言左右也人迎在結喉之左右氣口即寸口亦曰脈口為諸脈之總彙在牛魚際之後一寸人迎有左右氣口亦有左右明于人迎氣口則知四經十二從以通于十二原以貫于三百六十五氣穴三百六十五經絡所謂鉤毛弦石溜與夫春弦夏鉤秋浮冬營者洞若觀火矣今之醫不知脈一曰辨藥神農以緒鞭鞭草木一日而遇七十毒以身試而著本草經辨藥之性也必深明於溫涼平毒之性而後得君臣佐使之用固也然陰中有陽陽中有陰石藥發顛芳草發狂辨之不易明知之

亦不易悉者非陶弘景陳藏器其人未有不誤用者而今之醫不知藥知脈免知藥矣吾又益之以一言曰慎思語曰醫者意也黃帝有問岐伯即知其人之病之由雷公有問黃帝即知其人之病之由以意決之也此即黃帝岐伯之醫案也若其病不應脈當思其病脈不應病當思其脈藥不應病當思其藥三者相參思之思之具有不合者實矣醫之有案蓋未有出此三者遵其道而用之人人皆可以為良醫人人皆可以立案大和保合使斯人各得盡其天年而不夭折於庸妄人之手以文氏重刊之功豈不偉哉余固不憚曉曉以辨以文氏曰子之辨予知之而不能脫諸口也盡盡言之遂書

之以爲序道古堂集

四庫全書提要曰名醫類案十二卷明江瓘編其子應宿增補瓘字民望歙縣諸生因病棄而學醫應宿遂世其業其書成於嘉靖己酉所採治驗自史記三國志所載秦越人淳于意華佗諸人迄元明諸名醫摭拾殆徧分二百五門各評其其病情方藥瓘所隨事評論者亦夾註於下如傷寒詞中許叔微治秘結而汗出一案衆醫謂陽明自汗津液已瀉法當用蜜芩而叔微用大柴胡湯取效瓘則謂終以蜜芩爲穩又如轉胞門中朱震亨治胎壓膀胱一案猶令產媪托起其胎瓘則謂無此治法其言不確凡斯之類亦多所駁正發明頗

爲精當第戶鑿門中附載鍼驗引及酉陽雜俎所載高句驪人言髮中虛事與治病毫無所涉難產門中引焦氏類林載于法開令孕婦食肥羊十餘鬻鍼之卽下事卽不明食羊何義又不明所鍼何穴亦徒廣異聞無裨醫療皆未免驚博嗜竒然可爲法式者固十之八九亦醫家之法律矣瓘初成是編未及刊刻瓘歿之後應宿又以瓘之醫案分類附之而應宿醫案亦附焉歲久版剝近時歙縣鮑廷博又爲重刊其中間附考證樞璠案者乃魏之璠所加也之璠字玉橫錢塘人也

魏氏之璠續名醫類案

六十卷

未見

杭世駿序曰黃帝言不能起死人而不殺生人扁鵲述其言是病已成雖黃扁不能使之生明矣其有本無病或小有病而誤鍼之誤藥之以至於不可救則粗工之罪也然而病者之妻子父母轉誅之命與數而粗工哓哓自解且以為吾嘗盡心於是而不謂其人之不克承也天下如此其大歲月如此悠且久粗工徧滿宇宙如此其衆計具一日之中方心毒手所斬刈放賊者各列其姓氏各存其醫案益較之讞獄決囚之冊或相什佰或相千萬而不可底止幸矣其各相抵

其

謹閱然而不以告人故其案如飄風陰火隨時滅沒而世莫知也一二上工診脈審運鍼當處方慎又遇具人之福厚而算長者會逢其通而痔者立起於是乎喜談而樂道之或以為得劫或以為經驗筆之高書而立之為案自宋迄今凡幾百家傳其術者寶其方神其術懇懇焉轉相告語隨隨然帖耳而聽受杭子曰嘻甚矣其沾沾自喜也以陰陽而論人有二十五生是人即有是病有是病即有是醫醫者知其人知其時知其脈因勢而利導之黃帝扁鵲去人不遠也不讀黃帝扁鵲之書而欲試黃帝扁鵲之術死者不能使之生而生者即可致之死語去學醫人費人之類多至二十有五而醫

之殺人則一曰不學而已學之道何從則讀黃帝扁鵲之書而已黃帝存乎曰死矣扁鵲存乎曰死矣類案具在發明其書之旨也類案傳雖謂黃帝扁鵲至今不死可也蓋南江氏彙集前哲之案而刊之吾友魏玉橫氏又從而廣之粗工觀之則以為已陳之芻狗而抗子觀之則醫家之蒙求何也玉橫氏能讀黃帝扁鵲之書者也合土則必有其范伐柯者必有其則以是為學醫者之范與則而思過半矣醫案云乎哉

道古堂集

四庫全書提要曰續名醫類案六十卷國朝魏之琇撰之琇既校刊江瓊名醫類案病具尚有未備因續撰此編雜取近

代醫書及史傳地誌文集說部之類分門排纂大抵明以來事為多而古事為瑣書所遺者亦間為補苴故細羅繁富細大不捐如疫門載神人教用香蘇散一條猶曰存其方也至脚門載張文定患脚疾道人與綠豆兩粒而愈一條是斷非常食之綠豆豈可錄以為案又如金瘡門載薛良道人接已斷之首使人回生一條無藥無方徒以語怪更與醫學無關如斯之類往往而是殊不免魚雜又蟲獸傷門於薛立齋蟲入耳中一條註曰此案耳門亦收之非重出也恐患此者不知是蟲便檢閱耳云云而腹疾門中載金臺男子誤服乾姜理中丸發狂入井一條隔五六頁而重出又是向義例乎編

次尤未免潦草然採摭既博變證咸備實足與江瓊之書互資參考又所附案語尤多所發明辨駁較諸空談醫理固有實徵虛揣之別焉

呂氏 應鍾葆元行覽

未見

江陰縣志曰呂應鍾字元聲大醫吏目傳禁方而變化之能望氣決人死生或談笑間療人痼瘍著葆元行覽世效單方兩書邑令胡士鰲為序

世效單方

未見

盧氏 志醫學古百問

未見

按右見于古今醫統

萬氏 表濟世良方

國史經籍志五卷

存

萬斯大曰高祖鹿園公諱表字民望性至孝少孤奉母至恭人教唯謹母卒廬墓三年以世職中正德庚辰武進士晉都指揮督運至淮見饑民滿道先賑後報陞浙江司閩抑鎮守中官絕其干請遷南京大教場坐營飭營伍宿弊懲魏國

悍弁之干紀者歷任漕運參將廣西副總兵淮安總兵提督
漕運會書南京中府都督同知踰年病卒年五十九 學禮贊
疑萬氏世紀

萬氏 邦字 萬氏家抄濟世良方 一本作醫學入門良方考

六卷

存

萬邦字曰予先大父刻濟世良方凡五卷行於世久矣日久
板壞字重刻之因以續得經驗諸方隨門增入蓋不敢秘抑
欲以承先志也又集脈訣藥性附于末為第六卷庶施治者
察脈認藥參以成方或不至以病試云

萬斯大曰吾祖瑞巖公諱邦字汝永黃淑人出由先職陞
浙西運總以軍法部署漕卒歲漕數十萬如期畢集不失籽
粒晉山東都司會書倭薄金山朝鮮告急廷議謂公南人習
舟乃拜游擊將軍帥南京龍江營水師克日赴援已檄守鴨
綠江轉漕遼陽給食不乏擢溫處參將移狼山副總兵晉都
督會事總兵福建期年以病歸與鄉先生飲酒雅歌詩名一
枝軒草年七十五卒 學禮贊疑萬氏世紀
萬氏積善堂秘驗滋補諸方

一卷

存

丁氏醫方集宜

明志十卷

存

丁明登序曰：余家上世以來，率精於醫。洪武間，吾祖仲寶翁以舊德推重，卿評承京兆，委署本邑事最久，其神異尤多。成化間，吾祖德剛，江之許蘆葦，最薄問多虎暴，德剛翁為文祭之，虎渡江去，地遂無虎患。又嘗還人遺金，至今祭虎還金事，里中人猶津津然能道之。其它行事，具見廬陵孫公鼎傳中。暨吾祖伯遠讀書龍洞山中，遇異人授秘方，後令朝城九載，致政，其交遊迂游燕京，當時在朝諸老如劉公大夏、屠公鏞

伯公鍾曾公鑑，顧公佐潘公禎，俱重翁之品，歡然與相酬唱，篇什甚衆，蓋辱世皆擅活人妙術，其遺方秘簡，歷更以來，亦頗敬逸。逮吾王大父竹溪翁，精心慧識，始搜括竒餘而表章之，參以古方，益以己所證驗，良集成書，凡有十卷，其書首病源次形證，次脈法而治法，治方治驗，又次之一開卷而病者之情形，與用藥之竒會，瞭然指掌，嘗曰：醫者意者宜也，因名之以集宜，顧散佚舊藏，竒中余懼其久而廢，以散失使前人一片活人心地湮沒不傳，不忍也。又聞地絕少醫藥，以禱賽代鍼砭，以巫覡當醫王，一有寒暑霜露之虞，束手無策，況其大者乎？於是謀壽諸梓，以廣其傳，惟吾王大父仁心為質。

其天性孝友忠誠不欺諸不見論論其細者於凡貧難之人乞醫藥厚資給之婉慰藉之未已也又諄復期以來告以無自沮殷殷然應之無倦色於戲此其心何心哉慎斯術也以徃則必不遺微細則良此乳獨旨哉王大父良相良醫之論真知言也吾故因叙是書而並及其制行大畧以見吾王大父苦心濟人之意非恠區區剿古人緒論以行岐黃一脈已也

梅是書明志舊為丁毅所著然毅則查明序所謂德剛也今改訂焉

王氏文祿醫先

一卷

存

題詞曰上醫治未病不治已病治未病易而無迹治已病勞而固效是故治未病者多忽而已病者始求諸醫醫雖良其如病成何膏盲之論惜也自秦以前墳典完備學出于一養德養生無二術云秦以後坑焚燼漸幸素問猶傳學者棄而不講目為偽撰蓋不知多參贊至言非聖弗能也知天子以至庶人脩身為本豈有遺身而能用世耶是在辨之早焉已矣于是作醫先蓋先未病而醫之不施餌劑砭針同躋仁壽之域覽者庶以監予之心豈曰不為良相當作良醫云嘉靖

庚戌夏五既望海鹽沂陽生王文祿

海鹽縣圖經曰王文祿字世廉少舉鄉薦屢上春官不第居身廉峻未嘗以私干人遇不平時叱罵不避權貴戶出三百請編役如民佐邑令成均田法性嗜書聞人有異書傾囊購募得必手校縑緗萬軸置之樓做失火大慟曰但力救書者賞他不必也所著有藝草邱陵學山邑文獻志衛志

楊氏闕名願貞堂經驗方

未見

亡名氏醫學切問

未見

陸氏闕名積德堂經驗方

未見

亡名氏法生堂經驗方

未見

劉氏松石保壽堂經驗方

未見

王氏仲勉經驗方

未見

禹講師經驗方

未見

戴氏古論經驗方

未見

亡名氏試効錄驗方

未見

龔氏關名經驗方

未見

亡名氏纂要奇方

未見

瀕湖醫案

未見

瀕湖集簡方

未見

藺氏關名經驗方

未見

孫氏一松試効方

未見

何氏大吳發明證治

未見

亡名氏濟生秘覽

未見

錦囊秘覽

未見

芝隱方

未見

世醫通變要法

未見

阮氏闕名經驗方

未見

坦僊皆効方

未見

趙氏闕名經驗方

未見

楊氏闕名經驗方

未見

唐氏瑤經驗方

未見

鄧氏華峯衛生雜興

未見

張氏闕名經驗方

未見

王氏英杏林摘要

未見

徐氏闕名家傳方

未見

鄭氏闕名家傳方

未見

張氏闕名瀟江切要

未見

亡名氏生生編

未見

災虞備急方

未見

按以上三十三書見于本草綱目引據醫家書目

錢氏原濟集善方

明志三十六卷

未見

鎮江府志曰錢原濟字彥深號愈菴集書數十卷手撮其精要點校而讀之有得則標題於上旁通醫術著集善方三十

六卷

薛氏已家居醫錄

明志十六卷 國史經籍志作七卷

未見

醫學指南

醫藏目錄十卷

未見

內科摘要

醫藏目錄二卷

存

薛氏醫案

一卷

存

薛氏醫案

七十八卷

存

四庫全書提要曰薛氏醫案七十八卷明薛己撰己字立齋吳縣人是書凡六十 己所自著者為外科樞要四卷原機啓微三卷內科摘要二卷女科摘要二卷癰瘍機要三卷正體類要二卷保嬰粹要一卷口齒類要一卷保嬰金鏡錄一卷其訂定舊本附以己說者為陳自明婦人良方二十四卷外科精要三卷玉輪明醫雜著六卷錢乙小兒直訣四卷陳

文仲小兒痘疹方一卷杜本傷寒金鏡錄一卷及其父鏡保
 嬰撮要二十卷初刻於秀水沈氏版已殘闕天啓丁卯朱明
 為重刊之前有明紀事一篇載明病因時夢已教以方藥服
 之得愈又夢已求刻此書其事甚怪然精神所注魂魄是憑
 固亦理之所有不妨存其說也已本場醫後乃以內科得名
 其老也竟以瘍卒詒之者以為補益之弊終於自戕然已治
 病務求本原用八味丸六味丸直補真陽真陰以滋化源實
 自已證之其治病多用古方而出入加減具有至理多在一
 兩味間見神妙變化之巧厥後趙獻可作醫貫執其成法遂
 以八味六味通治各病甚至以六味丸治傷寒之渴膠柱鼓

瑟流弊遂多徐大椿因併集矢於薛氏其實非已本旨不得
 以李斯之故歸罪荀卿也世所行者別有一本益以十四經
 發揮諸書實非已所著亦非已所校蓋坊賈務新耳目濫為
 增入猶之東垣十書河間六書泛收他家所作以足其數固
 不及此本所載皆已原書矣

黃氏承吳評輯薛三齋內科

十卷

未見

吳學損曰薛三齋先生醫案內科幼科外科俱有專書足稱
 美備獨于內科所集尚欠序次摘要善矣然讀之或未能得

其詳獲惟黃履素先生於各案中摘集成書名曰內科醫案
誠補薛之齋之未備嗣當不惜餘力為訂定以公世焉 痘疹
四合全書

按右見于浙江通志經籍

賀氏 岳明醫會要

二卷

未見

錢琦序曰賀君岳出業儒以母病風徧求醫醫莫能治乃奮
志曰母病弗瘳兒奚儒為于是盡搆醫家書讀之逾年曰吾
知所以療吾母矣卒奉以周旋母享高壽又得蘇醫王氏惟

雍之傳而業益精里閭病輒就君治輒效其門至暮擁而
且集自是邑若郡自侯以下咸召君無虛日藩臬問醫必以
君對縉紳游歷郡下亦必迎君以往由是君所及彌廣矣君
間閱古方書久之欣然意會之代成賦題曰明醫會要邑侯魏
公精于醫者也心好之未及錢輒擢去會舊邑侯夏公備兵
海上乃授指揮李元律梓行屬余序予作而歎曰錢真之病
常病于政疋羸之民常病于醫古之名夫醫者軒岐而下則
有如尹成張劉輩起其仆若斃而國命賴以壽故曰上醫醫
國豈其技獨神哉特精其業者特異乎人惟精故名也今時
號醫家者流莫知素難靈樞等為何藉下此則借以規利累

百不一良乃君獨以儒業醫而著述有傳如此夫人以醫擬相言利物也竊疑過之惠及永永相業然乎哉自二公相繼撫吾邑上下德之喜吾民不病于政乃今閱是書猶夫政也又喜吾民不病于醫為之序

臨江先生集

醫經大旨

醫藏目錄四卷

存

凡例曰岳嘗輯明醫會要既板行矣人多喜之然後一纂醫經大旨非有他惑而重出也蒙郡主劉公訪岳頗請醫術案發群書督令採集惟愧老鈍疎庸焉敢有違遂勉強遵奉謹

摘歷代諸賢要語少加潤色以歸於一其中金石古怪燥毒劫藥悉削不存懼其福人也非敢自以為是條例于後同志者乞作正之勿以狂瞽謂予幸甚

皇甫氏 中明醫指掌圖

醫藏目錄十卷

存

張鑿序曰予門人皇甫生山暨其弟嵩山皆仁和知名士別十年山來謁金陵予書一編閱之明醫指掌圖也曰山為是書三世甲之亦三世矣自其菊泉大父治軒岐集履歷經驗效吳蒙齋氏為傷寒指掌書而雲沙翁成之蓋以廣指掌也圖

參丙經博采古哲遺方變通不泥凡旬歲而後成爲卷若干
 首之歌賦以括百病便於憶誦也復爲箋以原病決疑也繼
 以診視判死生標本而使人察也又繼以形以方印證切而
 藥劑良也且法度工能巧異可想見武林靈秀會人物純文
 之美而非久且專其業易克有此書成雲洲翁以授其子岫
 岡乃山以質于予曰某小子不敏重墮先志願一言以永其
 傳嗟乎騶虞麟趾之德世不恒有常情苟矜一善其不爲鑽
 核焉者寡矣杭人以醫稱皇甫氏至父皇甫氏父子祖孫醇
 謹無間好急人厄難至忘寢食寒暑不計償報願又以此刻
 惓惓嘉惠錫類是欲天下皆壽於醫而醫皆躋於良且聖君

子惡得而弗與也云

邵氏訂補明醫指掌

醫藏目錄十卷

存

自記曰余大父釜山先生篤志藝林馳譽江左及門問業者
 多所顯貴而再入棘闈弗利竟以途掖老吾父幼敏慧大父
 奇愛之希其蚤就不虞大父忽邁一疾治不能瘥遺命吾父
 曰汝不爲良相且爲良醫無何吾父弟失所恃阻試有司遂
 改業醫自號念山五十載以來頗以是術名於世吳城內外
 老幼男女病傷寒痘疹者得吾父卽全活難以數計生不肖

體弱而多痰力不能終舉子業吾父即命棄去訓讀岐黃諸書如是者幾易寒暑稍有所得則出雲洲翁所著明醫指掌示不肖曰嚮爾所習仲景傷寒東垣內傷河間熱病丹溪雜病此學之博者也約而精則有是書爾其宗之予教授命朝研之考始喻其旨真所謂扶秘鈞玄遠紹諸家之說分標治本闡明運氣之宜善矣所徵憾者拘於圖而局於論顯於證而晦於脈詳於方而畧於法翻檢尚有紆迴乃不揣原其所載目則分之以門方則聚之以類而附列歌訣各以己意參入俾學者因脈辨證緣證施治彈指頃便度津梁而余亦藉是多所解悟蓋余不幸不生先生之世猶幸去先生之世未

遠可以私淑門牆也當世鉅公願共鑒之天啓二年九月吉且長洲後學邵達行甫謹述

江南通志曰邵達蘇州人北虞之後人也喜讀司馬遷書于不釋卷精於傷寒手到病立起有鄰人以乏食病瀕死達於藥囊中裹金餉之遂霍然人號為仁山先生

吳氏顯忠醫學權衡

未見

徐春甫曰吳顯忠字用良號雪窓休陽人家世業儒忠性好醫以戴人汗吐下法而補之以利濕和方足以盡其醫道之妙名曰醫學權衡行世

徐氏春甫古今醫統

明志一百卷

存

自序曰昔者上古之世洪濛未鑿民不夭札厥後風氣漸開
 情實日啓疾病生焉黃帝惻憫濟以醫藥而內經作矣後世
 因之迨自秦漢唐宋以下代不乏人載之簡藁汗牛充棟咸
 以神其術妙具用而躋天下後世於仁壽之域者也春甫家
 世業儒恒讀素問諸書頗探索其醫之曠隱然而義理微茫
 精涉錯別甲可乙否莫知適從所以憚浩繁者撮拾殘言謂
 之捷徑致使本源根柢無所稽攷其不渚聖經而成民生者

幾希予不自慙愚陋以平素枵內經治驗諸子折衷及搜求
 歷世聖賢之旨合群書而不遺析諸方而不紊舍非取是類
 聚條分共釐百卷目曰古今醫統蓋採上古之法以追歷世
 之良而兼總於今日統集異同井然區別彙成編帙樂乎可
 觀庶幾厭繁者有所歸趨簡者無少失一開卷而醫之法制
 權衡始終本末如視諸掌其於養生不無小補若謂全書曰
 非闕典則猶俟於賢知者焉嘉靖丙辰仲冬至日新安徐春

甫序

醫學入門提要六書

六卷

存

鮑氏叔昂脈證類擬

未見

醫方約說

二卷

存

自序曰夫道無所本則汗漫無歸學無所宗則趨向靡定醫之為道而人命繫焉不亦重哉予家世業儒流傳醫道厥有原自祖醫黎籍京師予今叨授斯職先君恒齋翁邑庠弟子員受業大夫節齋王公益張是道予少事寒業數奇病醫

究方書素難恍有得其要領者著脈證類擬我師少宰松谿程公序諸首梓行矣或謂予曰予之類撰人皆愛之若夫方書簡便誠醫家入門之徑也惜未有徧及諸證之方蓋更發明之則人咸躋仁壽而嘉惠無窮矣予曰然夫方書自張劉李朱戴王之後作者紛紜孰見論證漫無歸一嗟夫以人之命而試人之言岌岌乎殆哉於是惘惘厥心視為職分後究先哲論治會融玄妙鉤攝精要編次成帙名曰約說詞理簡而會歸有元說雖粗而向趨甚正茲固步武遺蹤間亦竊附已意皆素所親試而多中者可以按方治病同志之士或有取焉尚俟他日奏聞道同一原展不負我高祖設教司人

之命之奇也是為序嘉靖二十六年丁巳三月鮑叔昂書

陳氏仕賢經驗濟世良方

醫藏目錄十一卷

國史經籍志作十卷醫藏目錄重出經驗良方四卷

存

四庫全書提要曰經驗良方十一卷明陳仕賢編仕賢字邦憲福清人嘉靖壬戌進士官至副部御史其書首載醫藏訣藥性別為一卷次為通治諸病門如太乙紫金丹牛黃清心丸之類次分雜證五十二門皆鈔錄舊方無所論說自序稱與通州醫官孫宇考定而成云

醫指

醫藏目錄一卷

未見

李氏名恭集秘方

國史經籍志一卷

未見

醫籍考卷五十八

醫籍考卷五十九

東郡 丹波元胤紹翁編

方論 三十七

董氏炳燁水集驗方

國史經籍志四卷

未見

四庫全書提要曰避水集驗方四卷明董炳燁撰炳燁字文化泗州人是編以常用有驗之方分類良輯無所闡發其所用之藥有積雪草者本草所未詳特為具其圖形述其功效然藥類至多唯在善用正無取乎搜羅新異自誇秘授也其以避

水名者蓋隆慶丙寅淮水決烟避居樓上以成是書末附柳
應聘撰玉鶴翁傳一篇備載烟父相治醫事玉鶴相之自號
故炳又號懷鶴云

王氏永輔惠濟方

醫藏目錄作簡撰袖
珍良方係坊刻改名

國史經籍志八卷

存

顧氏昂臣經驗方

國史經籍志一卷

未見

劉氏党緊要二十四方

國史經籍志一卷

未見

不自秘方

國史經籍志一卷

未見

鄭氏鸞傳信方

國史經籍志八卷

未見

李氏蘭泉醫說

未見

鄞縣志李奎傳曰有李蘭泉者以醫名世所著醫說未及刊布其後學徐國至今寶藏之

王氏百禮尊生內編

十卷

未見

嘉興府志曰王有禮休寧人嘉興邑庠生本姓沈字三五居鴛鴦湖上精岐黃術善治傷寒有尊生內編十卷葉向高序尊生外編八卷岳元聲序皆行世

尊生外編

八卷

未見

李氏守欽方書一得

未見

按右見于汜水縣志

劉氏繼芳怪證表裏因

未見

按右見于太平府志

林氏道繼濟世良方

未見

福建通志曰林道繼以名醫著有濟世良方病者投劑立效

尤好施不倦年八十三子孫世其業

姚氏 治風疾必讀

未見

按右見于江南通志

江氏 時途 醫學原理

三十卷

未見

婺源縣志曰江時途字正甫江灣人幼善病遍閱方書精研
奧旨異人談方術了了頓語嗣是投劑輒效有少年病悻親
戚咸惴惴危之一劑霍然有起色名著郡邑戶外之履常滿

前後邑令咸見推重舉鄉貢者再著有醫學原理三十卷丹
溪發明五卷醫家爭傳誦焉

丹溪發明

五卷

未見

萬氏 撰 醫學大成

未見

按右見于湖廣通志

喻氏 化鵬 醫經翼端

未見

寶慶府志曰喻化鵬字圖南豐城人以精醫遊邵陽其於切脈望色聽聲察形之妙終夜研究若經生家治病如臨大敵稍不中肯憂形於色靜又深思辰起即赴病家調劑不論貧富不惜重值之料人予之金即以市奇方秘論雅尚氣節能文詞嘗搢一樓藏古書史好與諸名士遊所著醫經翼尚遇禪師之其平也友人劉默菴經理葬於東郭五里碑之右厚恤其子以歸

徐氏純卿 幼元醫案

未見

延平府志曰徐純卿將築諸生讀書學易窮醫得秘方施藥

活人年八十手不釋卷著有幼元醫案

徐氏應顯醫方積驗

未見

金華府志曰徐應顯字子祐永康人業儒精醫術多所全活晚年益精歷遊名公卿間貧寒以疾請匍匐救之所著有醫方積驗歲大疫倡行糜粥有以負賦告者為貸錢焚券人德之卒御史廉其行表其廬曰儒修相業年八十餘卒

彭氏清雜病正傳

未見

醫性

未見

孫氏 稽醫學大成

未見

活命秘訣

未見

吳氏 嗣昌醫學彙業

未見

按右五書見于浙江通志

吳氏 吳古簡方

續文獻通考十二卷

未見

金華府志曰吳奧字德章蘭谿人刻志好學博通書史善書札而尤精於醫得何文定公曾孫仲畏之傳功力兼人益造其微其醫最於一邑人多稱之著有古簡方十二卷諸集方四十餘卷其詩號蘭渚漁歌

王氏 子英醫案

未見

蘭谿縣志曰王子英號石舟著有醫案係御醫開之裔孫也

賴氏 湯銘四科治要

未見

延平府志曰賴湯銘永安屏生痛母歿於庸醫一旦棄筆子業精醫以贖已罪而未能也於是無貧富病者雖百里必視之投劑輒驗郡守鄭祖幾法不起湯銘既治有效且曰調養元氣上策也參朮草根斯下耳鄭聞言益加禮焉有回科治要聞醫多祖述之

方氏烟杏村肘後方

未見

榕右見于福建通志

潘氏文源方脈纂要

二十卷

未見

婺源縣志曰潘文源字本初桃溪人寬和仁厚言笑不苟望而知為長者少業儒不售去而學醫即精工所投劑輒效每曰求診視者盈門塞巷文源意在施予所藥治者驟不責酬遇貧士且加惠予為以故懸壺三十餘載人人稱神而家無數畝之蓄沒之日里巷多流涕者所著有方脈纂要二十卷行於世

莊氏履巖醫理發微

未見

江陰縣志曰莊履巖字若暘工醫能詩診治有奇驗活人不

可勝紀著醫理發微習醫者多宗尚之

高氏叔宗資珍方

未見

江陰縣志曰高叔宗字子正別號石山能詩善書通和扁術著資珍方高賓為序

王氏烏道惠濟仙方

未見

分水縣志曰王烏道字永巖事繼母以孝聞幼好學弱冠精學子業以及經史子集無不通貫都人士咸以大器期之中年遇疾遂究心岐黃家言著惠濟仙方諸書遠邇稱述不啻

沛相長桑也訓鄉勇以拒鑛賊功高尉邑侯李深重之都諫何春泉欲以人才薦會疾不果前蔡邑侯集分水先賢傳首稱焉

汪氏副護試效集成

未見

休寧縣志曰汪副護字天相城西人少通儒術改業醫師和門汪機尋歷姑蘇京口訪明師遂精醫學祖東垣老人專以扶元氣為主因號培元醫行四十餘年全活甚衆平生樂善好施四城通道茲建亭想行者兼修遠近廟宇悉出資藥金著有試效集成暨諸醫書行世

胡氏尚禮醫案

卷

二千三百十六

李龍甫片

未見

按右見于儀真縣志

孫氏銳試効集成書

未見

錢塘縣志曰孫銳字公銳遇異人授却老方九十童顏醫傾海內所著有試効集成書按服用藥足齊古人又有皇甫泰者與之齊名稱孫皇云

王氏君賞醫便

二卷

張受孔刊本四卷

存

自序曰余遊京師時獲茲集檢其方甚約諦試之輒驗因益以續收諸條更裁定焉稍稍蓄治藥材無論疾久近循方分劑罔不克臻奇功嗣是出按晉及再承關陝于時從役者人以十數歲月既賒得無有虞採薪然雖傳舍中法嚴內外醫不可得延而入也獨賴是以濟取左右如吹夫醫弗煩而藥足方弗繁而用備名之曰醫便既事竣將言復諸從役未甚殷苦無餘本錄則我弗給政或給焉示亦弗廣也舉而壽之太守太守曰藏有廢版可更遂以命梓人隆慶己巳重陽日巡按陝西監察御史王君實識

卷

二千三百十七

王君實識

按萬曆壬寅吳秀序曰震澤沈竹亭與齡所錄也蘇州府志又曰沈與齡號竹亭吳江人工醫能決生死著醫便行世然據徐應登序稱梅是編為王侍御公梅春時所輯則知其出君賞矣

吳氏秀增補醫便續集

四卷

張叟刊本六卷

存

自序嘗曰余家舊用醫便集蓋之得竹亭先生云迄今三十年索者猶踵至武林因之有二刻托為御院本繼又見茗中刻補遺則歸之朱濟川黃文洲兩人兩人固良醫也所集

當不謬余合兩書刪訂之補以已試方用續先刻世有不能致醫藥與能致而付之庸工之手者覽此庶有瘳乎

曹氏金傳信尤易方

八卷

存

栗永祿序嘗曰夷門少川右使曹公素留神軒岐內經靈樞諸篇尤邃于仲景叔和丹溪等諸部經方故自登仕來數歷淮揚齊魯會稽間所遇名勝即登眺移晷值羽士緇流輒改顏歎接叩底衷但奇藥單方可米隨便劄記付行笥以隨壘二十餘稜方積笥盈囊膏肓計茲轄政少暇悉所積校理之

辨証分門粹然備具稍方品重複詭異不經者盡爲刪定
得八卷中有證頗相類則附註本門有間出各方則明註方
後較諸種更爲精當簡便且經試多奇驗遂題曰傳信尤易
方一展卷門類區別藥品弗淆治療法備雖窮鄉下邑人得
此隨證檢方隨方製藥隨藥醫證不出戶庭效可立觀醫可
勿他覓也

自序嘗曰余聞之尺有所短寸有所長確哉其言之也蓋余少
膺脾病召一方時所謂名能療者乃百弗一功焉會客有授
余啖齋實者非有所診候而審辨也輒一再月而強食倍他
日錄此觀之世嘗言海上方能愈劇疾不虛哉不虛哉余旣

以日履和豫叨役四方所過名勝羽客衲子時問所素善易
方歲久累數篋間發治所主病屢屢稱捷效隆慶改元余起
使易水命醫官鄭鸞比類彙集曰辨哉方乎傳之海上人而
實散見諸名家所載藉者也余更使明著所自出而頗厭其
繁複後二年余再携入秦秦涇陽醫士王玘檢校刪正釐八
卷錄成適左使上黨健齋栗公雅抱博濟之誠問取而觀之曰
夫在物有之運規而索圓有帛圓焉汝知其不爲方也操矩
以求方有弗方焉汝知其不爲圓也以余讀若方殆醫之規
矩非與吾爲若梓以傳民壽何如余曰公之意信大原善善
志也于是卒刻而名之曰傳信尤易方蓋古有衛生千金救

民備急易方而是方不伐物命品取諸仕士所宜無煩雷公
操炮隱居辨治而又嘗試多奇應故云時隆慶歲在庚午春
正月上元日賜進士出身通奉大夫陝西等處承宣布政使
司右布政使吏門曹金書

何氏 古朴 醫家編奧

四卷

存

章秩曰古朴先生餘杭縣北住進賢里幼穎悟讀書詩隱
居獨善博覽諸書尤精醫學所集有脩真正術求嗣秘製草
堂吟料珠璣類萃星命關鍵等書

脩真正術

未見

楊氏 拱 醫方摘要

十二卷

存

龔氏 信 古今醫鑑

八卷

存

自序曰余幼業儒讀張子西銘天下疲癯殘疾皆吾無告兄
弟韓子原道為之醫藥以濟其夭死深嘆二公之言民胞物

與之心也。然膺厥任，惟宰相上佐天子，調燮陰陽，節宣元氣，庶足起疲癯而壽國脈。余誦之，直欲于身親見之。殊庸劣魯鈍，為時所厄。會家君起家醫學，竭來燕豫，嚮應中原醫之正傳，已有所得。余因省為遂，棄儒就學，紹岐黃創越之心，傳闡劉張朱李之秘訣。于當時雲遊高士，有裨醫教者，心竭誠晉謁與之上下其議論。遠宗先哲，近取名公，殫精竭神，磨光刮垢，與家君相為淵源。蓋有年矣。每視疾，則先診以脈息，次察其病原，而攻治之法，方藥之製，又酌其脈病而投之。執是以往，影響不殊。既而以脈病治方，分門別類，以古今之確論為樞要，間亦竊附己意，參互考訂。遺者補之，略者詳之，纂輯

成帙，醫有十三科，此其粗備。釐為八卷，名以古今醫鑑。夫醫意也，何取於鑑？鑑惟空，而後無遺。照醫必明，而後無遺。疾是書上考諸古，古之明驗者取之；下質諸今，今之明驗者取之。隱伏沈痼，罔不洞察；與鑑之照物，妍媸不爽。有相類者，此之謂醫鑑。此余命名之意也。高甫成，不敢自秘，爰付諸梓，以公諸天下。後世俾醫有小補，病有林檎，視醫國良相，固小大不同。而疲癯可起，文死可蘇，亦死乎韓張二公之用心也。余不佞，言之無文，聊述成書之槩。於篇端具訂訛正誤，尚有誤於後之君子，皆萬曆四年歲次丙子孟冬之吉，金谿後學龔廷賢書于有恒堂。